

Бодит байдлын уран аялгуу

...ӨДӨР БҮР УНШИХ НОМ

Chris Oyakhilome



Хэрвээ өөр орчуулгын талаар дурдаагүй бол Ариун Бичээсийн бүх эшлэл
Ариун Библийн 2013 оны орчуулгаас байгаа болно. Энэхүү номонд хэрэглэсэн
бусад хувилбаруудын товчилсон тэмдэглэгээг дор харуулав.

AMP – Библийн дэлгэрэнгүй хувилбар

ASV – Америкийн стандарт хувилбар

CEV – Орчин үеийн англи хувилбар

GNB – «Сайн мэдээ» Библи

KJV – Иаков хааны орчуулга LB;

TLB – «Амьд Библи»

MSG – «Мессеж» хувилбар

NIV – Олон улсын шинэ хувилбар

NLT – Шинэ амьд орчуулга

RSV – Дахин хянасан стандарт хувилбар

WEB – Бүх дэлхийн англи Библи

WNT – Веймонтын Шинэ Гэрээ

Бодит байдлын уран аялгуу ...өдөр бүр унших ном

ISSN 1596-6984

2020 Есдүгээр сар

Зохиогчийн эрх 2020 by LoveWorld Publishing

Нэмэлт мэдээлэл өгөх хаяг, байршил:

UNITED KINGDOM:

Unit C2, Thames View Business
Centre, Barlow Way Rainham-Essex,
RM13 8BT.

Tel.: +44 (0)1708 556 604
+44 (0)08001310604

USA:

Christ Embassy Houston,
8623 Hemlock Hill Drive
Houston, Texas. 77083
Tel.: +1(800) 620-8522

NIGERIA:

Plot 97, Durumi District, Abuja, Nigeria.

Plot 22/23 Billingsway Road, Oregun,
Ikeja, Lagos.

P.O. Box 13563 Ikeja, Lagos
Tel.: +234 1 8888186

SOUTH AFRICA:

303 Pretoria Avenue
Cnr. Harley and Braam Fischer,
Randburg, Gauteng 2194
South Africa.

Tel.: +27 11 326 0971

CANADA:

LoveWorld Publishing Canada
4101 Steeles Ave W, Suite 204
Toronto, Ontario
Canada M3N 1V7

Tel.: +1 416-667-9191

www.rhapsodyofrealities.org

email: rorcustomercare@loveworld360.com

All rights reserved under International Copyright Law. Contents and/or cover
may not be reproduced in whole or in part in any form without the express
written permission of LoveWorld Publishing.

Танилцуулга

УРА! Бидний өдөр тутам унших дуртай Бодит байдлын уран аялгуу ном одоо 2,119 хэл дээр хэвлэгдэж, тоо нь өссөөр байна. 2020 онд энэ ном таны сүнслэг өсөлт, хөгжлийг улам нэмэгдүүлж, чих дөжрөм амжилт руу жилийн турш таныг чиглүүлнэ гэдэгт бид итгэж байна. Энэхүү номын амьдралыг өөрчлөх санаанууд нь таныг шинэчлэн, өөрчилж, Бурханы Үгтэй хамт ашигтай, үр жимстэй, жинхэнэ бялхам дүүрэн амьдралд таныг бэлдэх болно.

Үүнийг хэрхэн хамгийн үр дүнтэй ашиглах вэ?

- Уншаад, сэдэв бүрийг сайтар эргэцүүлэн бод. Өдөр тутмын залбирал, Бурханы Үгийн тунхгийг чанга уншвал, таны амьдралд үр жимсээ заавал авчрах болно.
- Библиэ унш. Ариун Бичээсийг унших нэг эсвэл хоёр жилийн төлөвлөгөөг хэрэглэж болно. Өөртөө хамгийн тохиромжтой аргыг сонго.
- Түүнчлэн өдөр тутам Библи унших цагаа өглөө, орой хэмээн хуваарилж болно.
- Залбирахдаа энэ номыг хэрэглэ. Сар бүрийн зорилгоо бичиж, нэг зорилгоос нөгөөд хүрэх бүрт үр дүнгээ тэмдэглэж байгаарай.

Та Түүний Үгийг өдөр бүр уншихдаа жилийн турш Бурханы сүр жавхлант Оршихуйгаар, ялалтаар дүүрэн байж, баярлан баясахыг санал болгож байна! Бид танд хайртай! Эзэн таныг ерөөх болтугай!

Пастор Крис Oyakhilome

ХУВИЙН МЭДЭЭЛЭЛ

Нэр: _____

Хаяг: _____

Утас: _____

Гар утас: _____

И-мэйл Хаяг: _____

Ажлын хаяг _____

ТУХАЙН САРЫН ЗОРИЛГО: _____

Бодит байдлын уран аялгуу

...өдөр бүр унших ном

www.rhapsodyofrealities.org



ХРИСТИЙН ТӨЛӨӨ АМЬДАР



*Би өнөөдөр тэнгэр газрыг дуудаж та нарт
гэрч болгон чиний өмнө амь ба үхэл, ерөөл
ба хараалыг тавъя. Чи бас чиний үр удам
амьдрахын тулд амийг сонгож,
(Дэд хууль 30:19).*

Чуулган өргөгдөхөөс айдаг Христэд итгэгчид байдаг. Тэд мөнхийн аюулгүй байдалдаа итгэлгүй байна. Эзэн биднийг тийм айдас, түгшүүртэй амьдрахыг хүсдэггүй. Үнэндээ, мөнхийн аюулгүй байдал нь дахин төрсөн хүний хувьд бодитой бөгөөд энэ нь та Христийн амьдралаар, Түүний зөвт байдалд эцсээ хүртэл амьдрах эсэхээс хамаардаг.

Жишээлбэл, хэн нэгэн дахин төрсөн боловч хожим нь Есүсийг дагах шийдвэрээ өөрчилбөл, тэр хүн асуудалтай тулгарах болно. Яагаад гэвэл, түүний мөнхийн аюулгүй байдал нь Бурханы өмнө эрсдэлд орно. Та дахин төрөхдөө Бурханы оршихуйд төрсөн бөгөөд Бурханы оршихуйд л амьдарна. Тэр бол таны Хамгаалагч мөн. Бичээст хэлсэнчлэн, Тэр таныг гартаа барих бөгөөд хэн ч таныг Түүний гараас булааж чадахгүй.

Гэхдээ, амьдрал сонголтоор дүүрэн. Түүний төлөө үүрд амьдрах сонголтыг хийсэн хүн нь та юм. Бурхан биднийг удирдан чиглүүлэхдээ бидэнд сонголтыг өгдөг бөгөөд дараа нь юу сонгохыг ч бас хэлдэг. Гэхдээ, энэ нь буруу сонголтын үр дагаврыг бидэнд ойлгуулдаг боловч ямар нэгэн зүйл сонгохыг Тэр бидэнд хүчээр тулгадаггүй.

Тиймээс, та Түүний Үгийн дагуу амьдрах хэрэгтэй. Энэ бол хамгийн энгийн зүйл юм. Та дахин төрөөд, Христийн төлөө амьдрах нь Христ доторх шинэ мөн чанарын тань жам ёсны байдал болно. Зөв амьдрах нь таны хувьд жам ёсных тул таныг буруу зүйлд уруу татахыг оролдож болзошгүй. Яг энэ мөчид Ариун Сүнсний үйлчлэл эхэлдэг. Христэд итгэгчийн амьдралаар амьдрахад тань Ариун Сүнс тусалдаг бөгөөд та Түүнтэй хамт байхад, амьдралдаа төөрөлдөхвй гэж санаа зовох хэрэггүй.

Үүнээс гадна: **«Та нарыг бүдрэхээс хамгаалж, Өөрийнхөө алдрын оршихуйд үлэмжийн баяр хөөртэйгөөр, өө сэвгүйгээр зогсоож чадах Түүнд»** (Иуда 1:24) гэж Библи хэлж байна. Хэрэв та Эзэний төлөө амьдарч, Түүнд итгэл үнэмшлээрээ хичээнгүйлэн үйлчилбэл, Тэр Өөрийн зорилго, үйлчлэлээ таны амьдралд биелүүлэх болно.

ТУНХАГ

Би Христ доторх дуудлага, үйлчлэлээ хэрэгжүүлэх зорилготой амьдарч байна. Эзэнээс, Түүний мөнхийн Хаанчлалаас анхаарлыг минь сарниулах бүх зүйлээс би татгалзаж байна. Би ажил үйлстээ залхуурдаггүй. Би Эзэнд хичээнгүйлэн үйлчилж, Бурханы нигүүлслийн Сайн Мэдээний тухай гэрчлэлээр Есүс Эзэнээс хүлээж авсан үйлчлэл, өөрийн замналаа баяр хөөртэй уусгаж чадна. Халлилуйя!

ЦААШИД СУДЛАХ ЭШЛЭЛ:

2 Петр 1:5-11; 2 Коринт 5:15

1 жил Библи унших төлөвлөгөө

1 Коринт 15:35-58 & Сургаалт үгс 8-9

2 жил Библи унших төлөвлөгөө

1 Тесалоник 2:10-20 & Иеремиа 18



Leave comments on today's devotional at
www.rhapsodyofrealities.org



ТАНЫ ИТГЭЛ БОЛ БАГАЖ ХЭРЭГСЭЛ МӨН



Тэр шавь нартаа:—Итгэл чинь хаана байна? гэхэд тэд айх гайхах зэрэгцэж, нэг нэгэндээ: —Салхи, усанд хүртэл тушаахад тэд дуулгавартай байдаг энэ ер нь хэн бэ? гэгцгээж байлаа (Лук 8:25).

Есүс нэгэн удаа Өөрийнхөө шавь нартай завиар явж байтал, хүчтэй шуурга дэгдэв. Шавь нар нь айгаад: *«Тэд Түүн уруу очиж сэрээгээд: —Эзэн минь, Эзэн минь, бид сүйрч байна гэхэд Тэр босож, салхи ба оволзох давалгааг зандрахад салхи намдаж, нам гүм болов.»* гэж Библи хэлж байна (Лук 8:24).

Эзэн шавь нар руугаа эргэж хараад, «Та нарын итгэл хаана байна вэ?» гэсэн маш чухал асуултыг тэднээс асуув. Энэ бол амьдралд тохиолддог том асуулт. Та итгэлээрээ хүссэн бүхнээ хийж чадна. Та уулыг ч хөдөлгөж чадна. Та агуу үр дүнд хүрч чадна. Итгэл бол багаж хэрэгсэл мөн. Түүнийг хэрэглэ. Хэрэв та итгэлээ ашиглаж сурвал, өдөр бүр ялгуусан ялалттай амьдрах болно.

Тусламж гуйхаа боль! Амьдралаа суу алдартай болгохын тулд итгэлээ ашигла. Та итгэлээрээ хорт хавдар, чихрийн шижин, зүрхний асуудлыг ч устгах боломжтой. Та амьдралынхаа нөхцөл байдлыг

өөрчилж чадна! Тиймээс, итгэлээ босгон байгуул. Бурханы Үгийг судалж, Түүний дагуу амьдарснаар итгэлээ тэжээх шийдвэр гарга.

Библи бол Бурханы эш үзүүлэгчид ба элч нараас өгсөн, дахин дахин батлагдсаар байгаа тэнгэрлэг илчлэлтүүдийн цуглуулга юм. Та өөрийн эрүүл мэнд, гэр бүл, санхүүгийн байдал, ажил, сурлага, эсвэл үйлчлэлд хамаатай асуудлаас үл хамааран, Үгэнд итгэх итгэлээ хөгжүүлж, түүнийг өдөр бүр хэрэгжүүлснээр ялалттай амьдарч чадна. Ертөнцийг ялсан ялалт нь бидний итгэл гэдгийг санаарай (1 Иохан 5:4).

ТУНХАГ

Надад зориулан Бурханы урьдчилан тогтоосон хөгжил цэцэглэлт, эрүүл мэнд, баяр хөөр, амжилт, ялалтын амьдралаар би амьдрахдаа итгэлээрээ өөрийнхөө амьдралыг суу алдар, төгс байдлын зам руу цуцалтгүй байна. Би энэ амьдралдаа орхигдсон, буюу дэмжлэггүй байхаас татгалзаж байна. Үгэнд итгэх итгэл минь үр дүнтэй бөгөөд ялалттай. Бурхан алдаршиг!

ЦААШИД СУДЛАХ ЭШЛЭЛ:

1 Иохан 5:4; Еврей 10:38-39; Матай 17:20

1 жил Библи унших төлөвлөгөө

1 Коринт 16:1-24 & Сургаалт үгс 10-11

2 жил Библи унших төлөвлөгөө

1 Тесалоник 3:1-13 & Иеремиа 19-20



Leave comments on today's devotional at
www.rhapsodyofrealities.org



ПҮРЭВ ГАРАГ 3

ХУВИЙН ЗАЛБИРЛЫН СОЁЛТОЙ БАЙ



*Та нар Намайг дуудаж, ирж, Над
уруу залбирахад Би та нарыг
сонсоно (Иеремин 29:12).*

Эзэн хариулахыг хүсдэг тул биднийг залбир гэж уриалж байна. Энэ бол дээрх эшлэлд Түүний хэлсэн зүйл юм. Тиймээс, залбирлын төлөвлөгөөтэй байх нь маш чухал. Хэрэв танд залбирлын төлөвлөгөө байхгүй бол, та залбирах магадлал багатай. Янз бүрийн үйл ажиллагаа нь таны цагийг үрж, залбирахад тань саад болно. Та залбирлын соёлтой, сахилга баттай байхын тулд ухамсартай хүчин чармайлт гаргаж, сэрүүлгийн системээ сануулагч болгон тохируулах боломжтой. Хэзээ ч залбирах завгүй байж болохгүй.

Залбирал бол зөвхөн Бурханаас ямар нэгэн зүйл хүсэхэд зориулагдсан зүйл биш. Залбирал бол таны Эзэнтэй ярилцах, Түүнд хэлэх, Түүнтэй харилцах цаг бөгөөд Түүний танд хэлэх гэж буй зүйлийг сонсохын тулд та Түүнд сүнсээрээ анхааралтай ханддаг. Христэд итгэгч бүрт ийм цаг байх ёстой.

Хэрэв та тууштай залбирч байхдаа бэрхшээлтэй тулгарсан бол залбирлынхаа хуваарийг төлөвлөх чиглүүлгийг Эзэнээс гуйж болно. Үүнийг үл тоомсорлож болохгүй. Та чуулганы, эсвэл эсийн бүлгийн залбирлын хөтөлбөр, үйлчлэлд оролцоход, нийтлэг залбирлын цагтай байдаг. Гэхдээ, энэ нь таны хувийн залбирлын цагаас ялгаатай.

«Би өдөр бүр биш, харин долоо хоногт нэг л удаа залбирдаг.» гэж хэн нэгэн хэлж болох юм. Болохгүй ээ, энэ бол хангалтгүй. Өдөр бүр залбирлын хуваарь

гарга. Яагаад гэвэл, энэ нь өдөр бүр сүнслэг ойлголттой болоход тань тусална. Тэгээд, та: «Би хэр зэрэг удаан залбирах ёстой вэ?» гэж асууж болно.

Та хичнээн удаан залбирах ёстойг хэн ч тодорхойлж чадахгүй. Гэхдээ, энэ нь Эзэн та хоёрын хоорондын харилцаа тул та хангалттай залбирч чадахгүй байгаагаа мэдэх болно. Хэрэв та хангалтгүй залбирч байна гэж бодож байвал, залбирах цагаа уртасга! Та Эзэнтэй ярилцахаас гадна залбирлаар хүлээн авдаг таны сүнсний сургалт явагддаг учир залбиралд их цаг хугацаа зориулах тусам илүү өгөөжтэй болно.

Зөвхөн энэ ч биш, таны сүнсний хүмүүжил гэж бас бий. Хэн ч танд Ариун Сүнс шиг заадаггүй. Энэхүү залбирлын үед Тэр л танд заадаг. Тэр таныг гэгээрүүлж, чиглүүлэх мэдээллийг танд өгнө. Бурхан алдаршиг!

ЗАЛБИРАЛ

Хамгаас эрхэм Бурхан Аав аа, залбирлаар дамжуулан Тантай байнга харилцах боломжийн төлөө би Танд талархаж байна. Би залбирлын сахилга баттай бөгөөд одоо ч дэлхийн өнцөг булан бүрт байгаа хүмүүс Христийн Сайн Мэдээг хүлээн авч, аврагдахын төлөө залбирч байна. Түүнчлэн, бие махбод нь өвдсөн Христэд итгэгчдийн төлөө, тэдний эрүүл мэнд сэргэн сайжирч, эдгэрэлд агуу нигүүлслийг чиглүүлэхийн тулд би залбирч байна, Христ Есүс Эзэний Нэрээр. Амен.

ЦААШИД СУДЛАХ ЭШЛЭЛ:

Лук 18:1; Иуда 1:20; Ефес 6:18

1 жил Библи унших төлөвлөгөө

2 Коринт 1-2:1-4 & Сургаалт үгс 12-13

2 жил Библи унших төлөвлөгөө

1 Тесалоник 4:1-8 & Иеремиа 21



Leave comments on today's devotional at
www.rhapsodyofrealities.org



ҮГЭЭР ДАМЖУУЛАН, ӨӨРИЙГӨӨ ХАР



*Иймд эдүгээ Христ Есүс дор байгаа
хүмүүст ямар ч ял үгүй (Ром 8:1).*

Манай сэдвийн эхний эшлэлд Паул элчээр дамжуулан, Христ Есүс дотор байдаг ч махан биеэр амьдардаг хүмүүс, мөн Есүс Христ дотор байдаг ч махан биеэр явдаггүй хүмүүс гэсэн хоёр бүлэг байдаг гэж Сүнс бидэнд хэлээгүй. Энэ бол Түүний илгээлт биш, харин үнэн хэрэгтээ таны хэн болохыг л харуулж байгаа юм.

Та Шинэ Гэрээг судалж, ойлгосноор «толины зарчим» гэж нэрлэдэг зүйлийг олж харна. Энэ толь нь Бурханы Үг юм. Та бол Үгэнд харагддаг зүйл (2 Коринт 3:18). Тиймээс, манай сэдвийн эхний эшлэлийг уншаад, та өөрийгөө буруутгалаас ангидбус, эсвэл «махбодоороо явсаар байгаа» гэж битгий бод.

Энэхүү бүлгийн 9 дүгээр эшлэлийг унш. Тэнд, эдгээр үгсийг тайлбарлажээ: *«Хэрэв Бурханы Сүнс үнэхээр та нарын дотор оршиж байвал, та нар махбодоор бус, харин Сүнсээр байна. Хэрэв хэн нэгэнд Христийн Сүнс байхгүй бол тэр Түүнийх биш»* (Ром 8:9). Бурхан үүнийг хэлж байна! Есүс Христ дотор байдаг ч махан биеэрээ биш, харин Сүнсээр амьдардаг хүмүүсийг Тэрээр дүрслэхдээ, Тэр таны л тухай хэлж байна.

Тиймээс, өөрийгөө Үгээр дамжуулан хараарай. Одоо, та дээрээс төрсөн тул танд ямар ч ял байхгүй. Та үүнийг ойлгоод, үүний дагуу амьдарвал, нүгэлт зуршил, муу бодол, махан биеийн үйлдлүүдтэй дахин тэмцэхээ болино. «Нүгэл та нарыг захирахгүй.» (Ром 6:14) гэж Библи хэлж байна. Бурхан таныг ийм гэж хардаг учир та өөрийгөө тийнхүү хараарай.

Хэрэв та өөрийгөө Түүний харж байгаа шиг харвал, түүнчлэн үйлдэх болно гэдгийг Бурхан мэднэ. Тэр таныг Есүс Христ доторх Түүний зөвт байдал болгон бүтээснийг хүлээн авч, түүнд нийцүүлэн яв. Бурхан алдаршиг!

ТУНХАГ

Би бол сүнсэндээ бурханлаг мөн чанартай Бурханы хүүхэд. Би ямар ч буруутгалгүй, айдасгүй, дорд үзэгдээгүй, гэм зэмгүй, Бурханы өмнө зөвтгөгдсөн хүн. Нүгэл намайг захирдаггүй бөгөөд би боолчлолын буулганд байдаггүй. Би зөвт байдлын мөн чанараа ойлгож, түүний дагуу явдаг. Бурхан алдаршиг!

ЦААШИД СУДЛАХ ЭШЛЭЛ:

Ром 6:11-15; Ром 8:2-4; Галат 2:20-21

1 жил Библи унших төлөвлөгөө

2 Коринт 2:5-3:1-6 & Сургаалт үгс 14-15

2 жил Библи унших төлөвлөгөө

1 Тесалоник 4:9-18 & Иеремиа 22



Leave comments on today's devotional at
www.rhapsodyofrealities.org



САЙН МЭДЭЭНД ҮНЭНЧЭЭР ҮЛД



*Бид бүх талаар дарамтлагдавч
няцардаггүй, сандардаг ч
цөхөрдөггүй (2 Коринт 4:8).*

Өнөө үеийн Христ итгэл алтан тавган дээр бидэнд ирээгүй. Хэрвээ, Христэд итгэгчдийн аллагын тухай та уншвал, Христийн тухай гэрчилснийхээ төлөө олон хүн алагдсаныг олж мэднэ. Христ Есүст итгэснийхээ төлөө зургаан мянга гаруй хүн нэгэн зэрэг алагдсан бөгөөд тэд цэргүүд байсан юм. Тэд бүх зүрх сэтгэлээрээ Сайн Мэдээнд итгэсэн ба тэрхүү итгэлээ дараа үеийнхэндээ дамжуулахад нь тэдэнд юу ч саад болж чадаагүй.

Та сүм дотор Эзэнд мөргөх, Түүнийг магтах, амьдралыг өөрчлөх үйлчлэлийн аянд болон цуглаанд оролцох эрх чөлөөтэй байсан тэдгээр жилүүдийн туршид энэхүү эрх чөлөө нь тэмцэл, залбирал, хөлс, нулимс, цус, итгэл, шийдэмгий байдал, Сайн Мэдээний төлөө амиа золиосолсон эрэгтэй, эмэгтэй хүмүүсийн хүсэл тэмүүллээр дамжин ирсэн нь мэдээж. Тэднийг зөвхөн хавчаад зогсохгүй олон хүнийг амьдаар нь оршуулсан. Христ Есүст итгэсний төлөө харгислан алж, заримынх нь биеийг таллан хөрөөдсөн.

Өнөөдөр ч хэд хэдэн оронд Христэд итгэгчдийг хавчсаар байна. Есүст итгэснийх нь төлөө доромжилж, харгисладаг Христэд итгэгчдэд зориулсан хорих газар ч зарим улсад байдаг. Христэд итгэгчид бол дэлхийн хамгийн их хавчигдсан бүлэглэл болохыг сүүлийн

үеийн албан ёсны статистик харуулж байна.

Бидний итгэдэг Христийн мэдээ, Христ Есүст итгэх итгэл ямар их үнэ цэнэтэйг танд ойлгуулахын тулд би үүнийг ярьж байна. Биднээс өмнө амьдарч байсан хүмүүс хавчлагыг үл харгалзан, итгэлээ хадгалж, Сайн Мэдээнд үнэнч байлаа. Өнөөдөр ч бас ийм л байх хэрэгтэй.

Таны хот, улс оронд юу ч тохиолдсон, Христэд үнэнч бай. Бүү эргэлз. Манай сэдвийн эхний эшлэлд хэлсэнчлэн, бид бууж өгдөггүй, бид цөхөрдөггүй. Цаг үеийн байдлаас үл хамааран, Үгийг тухай бүр тунхагла. Таны дотор байгч нь дэлхийн таагүй байдал, бүх дайснаас агуу тул таныг дуугүй болгохын тулд юу ч аймаар, аймшигтай байх ёсгүй. Халлилуйя!

ТУНХАГ

Би бол энэ дэлхийн уй гашуу, гай гамшиг, хавчлага, аюулаас үл хамааран, миний Эзэн, намайг хайрладаг Тэр Нэгэн болох Есүс Христээр дамжуулан ялагчаас илүү болсон! Үхэл ч, амь ч, тэнгэр элч ч, ноёд ч, хүч чадал ч, өөр юу ч Есүс Христ доторх Бурханы хайраас намайг салгахгүй гэдэгт би итгэлтэй байна. Би дэлхийн өнцөг булан бүрт Сайн Мэдээг тунхаглах ажилд үргэлж бүрэн дүүрэн, гуйвшгүй, тууштай оролцох болно. Амен.

ЦААШИД СУДЛАХ ЭШЛЭЛ:

Ром 8:35-39; 1 Тесалоник 3:7-8 NLT

1 жил Библи унших төлөвлөгөө

2 Коринт 3:7-4:1-18 & Сургаалт үгс 16-17

2 жил Библи унших төлөвлөгөө

1 Тесалоник 5:1-11 & Иеремиа 23



Leave comments on today's devotional at
www.rhapsodyofrealities.org



НЯМ ГАРАГ 6

ЧУУЛГАН БОЛ БУРХАНЫ ЭРДЭНЭС МӨН



Би мөн чамд хэлье. Чи Петр. Энэ хадан дээр Би чуулганаа босгох бөгөөд түүнийг Үхэгсдийн орны хаалга дийлэхгүй (Матай 16:18).

Матай номын 13:44-т, Есүс: *«Тэнгэрийн Хаанчлал нь талбайд нуусан эрдэнэ адил юм. Түүнийг хүн олоод нууж, баярласандаа явж, өөрт байгаа бүхнээ зараад, тэрхүү талбайг худалдан авна.»* гэж байна. Талбайд эрдэнэс байсан учир Есүс талбайг бүхэлд нь худалдаж авсан. Эрдэнэс бол Чуулган, харин талбай бол энэ ертөнц юм.

Есүс Чуулганы төлөө бүх дэлхийг Өөрийнхөө цусаар худалдаж авсан. Тэр бүхнийг өгсөн. Энэ нь, сатан юу хүсдэгийг бидэнд хэлж байна. Тэрээр дэлхийн хямралыг санаачилж, бий болгохдоо Чуулган, Бурханы хүүхдүүдийг онилдог. Түүний эцсийн зорилго нь үргэлж Христ Есүсийн Чуулган байдаг. Тэрээр Бурханы ард түмэн Бурханд чөлөөтэй үйлчилж, мөргөхийг байнга эсэргүүцдэг. Гэхдээ, тэр ялагдсан.

Сатан яагаад Чуулганы эсрэг байдаг вэ? Чуулган болох та бид бол сатаны анхнаасаа хүсэж байсан зүйл нь юм. *«...Хамгийн Дээд Нэгэн лугаа адил болно.»* (Исаиа 14:14) гэж тэр хэлсэн боловч чадаагүй. Харин ч эсрэгээр, тэнгэрийн улсаас тэр хөөгдсөн. Дараа нь, Есүсийн байгуулсан Чуулган нь Бурханы нэрийг,

Бурханы сэнтий болох Түүний байр суурийг Түүнтэй хамт хуваалцах болно гэдгийг сатан мэдсэн!

Бид Христийн хайрын ачаар Бурхантай нэгдмэл болсон. «Би чуулганаа босгох бөгөөд түүнийг Үхэгсдийн орны хаалга дийлэхгүй.» гэж Есүс хэлсэн. Энэ бол зөрчих боломжгүй үнэн юм. Халлилуйя! Орчлон ертөнцөд Чуулганыг эсэргүүцэх чадвартай хүч гэж байхгүй. Чуулганыг энгийн байгууллага мэт үзэж болохгүй. Энэ бол Христ Есүсийн ариун нандин Бие, Түүний үнэт эрдэнэс мөн.

ТУНХАГ

Христ Есүсийн Чуулган агуу суу алдар, чадвар, дийлдэшгүй нөлөөтэй. Бидний дотор байгаа Тэр Нэгэн бол дэлхий дээр байгчаас агуу тул бид сатанд байр суурь олгодоггүй. Дэлхий дахины Христэд итгэгчид Чуулганы эсрэг чиглэсэн сатаны бүх стратеги, үйл ажиллагааг таслан зогсооход үргэлж бэлэн байдаг, Есүсийн Нэрээр. Амен.

ЦААШИД СУДЛАХ ЭШЛЭЛ:

Гэтлэл 19:5; Тит 2:14; 1 Петр 2:9 АМРС

1 жил Библи унших төлөвлөгөө

2 Коринт 5:1-6:1-2 & Сургаалт үгс 18-19

2 жил Библи унших төлөвлөгөө

1 Тесалоник 5:12-28 & Иеремиа 24



Leave comments on today's devotional at
www.rhapsodyofrealities.org



ЧУУЛГАНЫ ӨРГӨЛТ МАШ ОЙРХОН БАЙНА



*Дараа нь амьд үлдсэн бид тэдэнтэй
хамт агаарт Эзэнтэй уулзахаар
үүлэн дунд өргөгдөж, тийнхүү
Эзэнтэй үргэлж хамт байх болно
(1 Тесалоник 4:17).*

Паул элч Чуулганы өргөлтийн талаар илчлэл
хаваад, «Харагтун, би та нарт нэгэн нууцыг
хэлье...» (1 Коринт 15:51) гэж хэлсэн. Чуулганы
өргөлт нь нууц, Бурханлаг Илчлэл тул олон хүн
ойлгодоггүй. Тэрээр, *«Харагтун, би та нарт нэгэн
нууцыг хэлье. Бид бүгдээрээ нойрсохгүй, харин
бүгдээрээ өөрчлөгдөх болно. Ингэхдээ нүд ирмэхийн
зуур, нэг агшинд, сүүлчийн бүрэнээр. Учир нь бүрээ
дуугарч, үхэгсэд үл муудахаар амилуулагдаж, бид
өөрчлөгдөнө.»* (1 Коринт 15:51-52) гэж байна.

Чуулганы өргөлт маш хурдан, бэлтгэлгүй хүмүүс
бэлдэх боломжгүй асар богино хугацаанд болж
өнгөрөхийг энэ эшлэл харуулж байна. Учир нь, та
бүхий л амьдралынхаа туршид үүнд бэлтгэх ёстой.

Манай сэдвийн эхний эхлэлд байгаа «Чуулганы
өргөлт» гэх илэрхийлэл нь «барьж авсан» гэсэн
утгатай «harpazō» гэх грек үгнээс гаралтай. Энэ нь,
шүүрэх, барих (татан буулгах, өргөх), таслах, татах,
хүчээр авах гэсэн утгатай.

Чуулган өргөгдөх үед та хаана байх нь хамаагүй,

Бурханы хүч таныг энэ ертөнцөөс татаж авах болно. Үхсэн Христэд итгэгчид дахин амилж, Эзэнтэй уулзахын тулд бид тэдэнтэй хамт үүлэн дунд байх болно. Үнэхээр гайхалтай өдөр болно!

Энэ үйл явдал хэзээ болох вэ? Урьд өмнөхөөс ч илүү ойрхон, тун удахгүй болно. Таны хариуцлага бол Эзэний төлөө амьдрахад өдөр бүр бэлэн байх явдал юм. Эзэнийг ирэхэд, Түүн рүү өргөгдөхийн тулд хайраар алх, тэгээд итгэл тань идэвхтэй болно.

Тэрээр, ямар нэгэн толбогүй, өө сэвгүй, огт тиймэрхүү зүйлгүй Чуулганы төлөө ирнэ гэж Библи хэлж байна (Ефес 5:27). Өдөр бүр, амьдралынхаа мөч бүхэнд Түүний зөвт байдлаар амьдарч, зөвийг үйлдэж, зөвт байдлын үр жимс гарга.

ТУНХАГ

Есүс Эзэн ямар нэгэн толбогүй, өө сэвгүй, огт тиймэрхүү зүйлгүй Чуулганы төлөө ирэх бөгөөд би Түүнийг дагахад бэлэн байна. Эзэн рүү өргөгдөж, мөнхөд байхын тулд миний итгэл идэвхтэй болсон! Гэхдээ, ийм гайхамшигт «өргөлтийг» хүлээхдээ амьдрал, хүсэл тэмүүлэл минь Түүний Хаанчлалын зорилго руу, Түүнийг өргөжүүлэхэд чиглэсэн бөгөөд миний ачаар өөр олон хүн Өргөгдөх «хүмүүсийн жагсаалт»-д орох болно, Есүсийн Нэрээр. Амен.

ЦААШИД СУДЛАХ ЭШЛЭЛ:

1 Тесалоник 4:16-17; 1 Иохан 2:28; Матай 24:27

1 жил Библи унших төлөвлөгөө

2 Коринт 6:3-7:1 & Сургаалт үгс 20-21

2 жил Библи унших төлөвлөгөө

2 Тесалоник 1:1-12 & Иеремиа 25



Leave comments on today's devotional at
www.rhapsodyofrealities.org

Тайлбар

Тайлбар

Тайлбар

Тайлбар



БИД БОЛ ДЭЛХИЙ ДЭЭР ТҮР АМЬДРАГЧИД



*Та нар ертөнцийнх байсан бол
ертөнц өөрийнхнийгөө хайрлахсан.
Харин та нар ертөнцийнх биш,
гагцхүү Би та нарыг ертөнцөөс
сонгосон юм. Тиймээс ертөнц та
нарыг үзэн яддаг (Иохан 15:19).*

Естерийн үед иудейчүүд харийн нутагт, Олзлогдсон газартаа тав тухтай амьдарч байв. Хаант улсын нөлөө бүхий, харгис муу хүн (бас хааны анд) Аман тэднийг устгах гэж оролдох хүртэл тэд дэлхий дээрх эрх чөлөөгөө эдэлж, амар тайван байжээ.

Хаманы үзэн ядалт, иудейчүүдийг устгах гэсэн хуйвалдааныг огт анзаараагүй байсан хатан хаан Естер энэ тухай сэтгэл сэртхийлгэсэн мэдээг авга ах Мордохаигаас хүлээн авчээ. Тэр даруй Сусад байгаа бүх иудейчүүдийг цугларч, өөрийнхөө төлөө гурав хоногийн мацагтай залбиралд дуудахдаа, өөрөө ч бас шивэгчидтэйгээ хамт оролцов (Естер 4:16). Бурхан тэдний залбирлыг сонсоод, хорон муу Хаманы савраас тэднийг салгасан нь мэдээж.

Та заримдаа «харийн оронд» байгаа ч гадны хүн гэдгээ мартаж, дэлхий дээрх эрх чөлөөгөө эдлэн жаргадаг байж болох юм. Ийм зүйл олон хүнд тохиолддог. Тэд томилогдсон газраасаа илүүтэй аялал дээр төвлөрдөг. Зарим Христэд итгэгчид сэтгэл ханамж авч, анхаарал сарниулах ертөнцийн зүйлд төвлөрөх болжээ. Тиймээс, ***«Учир нь хүн бүх ертөнцийг олж авсан ч амиа алдвал ямар ашиг байх***

билээ?» (Марк 8:36) гэж Есүс хэлсэн юм.

Эзэн дотор зүрх сэтгэл тань бэхжих болтугай. Хаанчлалын илүү чухал асуултууд таныг болон үйл хэргийг тань өдөөх болтугай. Сүнсийг эзэмд. Есүсийн хэлсэнчлэн, та нар сэргэг бай, залбир. Сайн Мэдээг хүлээн зөвшөөрөгдтөл чөлөөтэй тунхаглахын тулд өөрийнхөө ард түмний төлөө залбир.

Зарим улс оронд Сайн Мэдээ олон жилийн өмнө дэлгэрсэн боловч өнөөдөр тэдгээр ард түмнүүд Сайн Мэдээ тунхаглахыг хориглож, Христэд итгэгчид маш хэцүү хавчлагад өртөж байна. Яагаад ийм зүйл тохиолдсон юм бол? Хариулт нь маш энгийн: Эдгээр орны Христэд итгэгчид: **«...сэргэг бай, залбир...»** (Матай 26:41) гэж Есүсийн хэлснийг хийгээгүй.

Бид зорилгоо, дэлхий дээр байгаа шалтгаанаа, энэ бүхэн хугацаатайг санах ёстой. Бид бол дэлхий дээрх хүмүүсийн авралын төлөө Тэнгэрийн Хаанчлалаас илгээгдсэн Бурханы элч нар мөн. Тиймээс, Библид: **«...дээгүүрхийг хай. Тэнд Бурханы баруун талд Христ заларч байгаа.»** (Колоссай 3:1-2) гэж байна.

ТУНХАГ

Би дээрээс төрсөн бөгөөд үүнийг ойлгож мэдсэн. Үйлчлэлд зориулсан боломжийн үүд хаалганууд дэлхий даяар нээгдэж, хүч чадал ба үйлсээрээ Христийн Сайн Мэдээг саадгүй тунхаглах боломж Бурханы хүүхдүүдэд өгөгдөж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Үйлс 26:16; Колоссай 4:2-4; Еврей 11:13

1 жил Библи унших төлөвлөгөө

2 Коринт 7:2-16 & Сургаалт үгс 22-23

2 жил Библи унших төлөвлөгөө

2 Тесалоник 2:1-10 & Иеремиа 26



Leave comments on today's devotional at
www.rhapsodyofrealities.org



ХУУРАМЧ БАГШ НАРААС БОЛГООМЖИЛ



Харин хуурамч эш үзүүлэгчид (тэдгээр өдрүүдэд ч) ард түмний дунд байсан бөгөөд яг үүнчлэн мөн та нарын дунд ч хуурамч багш нар байх болно. Тэд өөрсдийг нь худалдан авсан Эзэнийг хүртэл үгүйсгэж, хөнөөлт тэрс үзлийг нууцаар таниулна. Тэд өөрсөд дээрээ түргэн сүйрлийг авчирна (2 Петр 2:1 Дэлгэрэнгүй орчуулга).

Бурханы өргөөнд асуудал үүсгэдэг хуурамч бах дүүс, хуурамч эш үзүүлэгчид байдаг шиг хуурамч багш нар ч бас бий. Эдгээр хүмүүс багш байхаар дуудагдаагүй ч өөрсдийгөө чөтгөрүүдэд тушааж, хуурамч сургаал сурталчилдаг. Тэд худал хуурмагийн сүнсээр өдөөгдсөн, төөрөгдөлд оруулах хуурамч сургаалуудыг бий болгодог.

Жишээлбэл, зарим хуурамч багш нар Христ аль хэдийнэ ирсэн гэж заадаг тул олон хүнийг төөрөгдүүлдэг. Зарим нь, Ариун Сүнсний үйлчлэл Элч нартай хамт дууссан гэж ярьдаг. Зарим нь, унтах байрлал нь тэдний зүүдэнд хэрхэн нөлөөлдөг талаар хүмүүст хэлж, зүүдний тайллын тухай, жишээлбэл, та ямар нэгэн юм идсэн зүүдний утга учрыг заадаг.

Зарим нь, таны амьдралд тохиолдож байгаа бэрхшээлүүдэд хамаатан садан тань хариуцлага хүлээх ёстой гэж хэлээд, тэдний хооронд дайсагнал

үүсгэдэг. Гэсэн хэдий ч, бидний тэмцэл бол мах, цусны эсрэг биш (Ефес 6:12) гэж Библи хэлж байна. Харамсалтай нь, зарим хүмүүс тийм хуурамч сургаалд автаж, хууртагдсаар байна.

Энэ нь, Есүсийн хэлсэн: *«Та нар Бичвэрийг ч... мэдэхгүйгээс болж төөрөлдөж байна.»* (Матай 22:29) гэсэн Үгийг сануулж байна. Өөртөө зорилусан Үгийг мэдэж ойлго. Тэгвэл, хэн ч таныг хуурч чадахгүй. Бичээсийн судлалыг амьдралынхаа нэн тэргүүний үүрэг болго. Өөрөө Үгийг сайн ойлго, тэгээд хэн ч чамайг хуурахгүй. Бичээсийг судлах нь амьдралын тань нэн тэргүүний үүрэг байг. Ариун Сүнс таны зүрх сэтгэлийг Түүний үнэн ба Түүний хүслээр нээдэг тул та бүхнийг шалгаж (1 Тесалоник 5:21), сүнснүүдийг шалгаж (1 Иохан 4:1), үнэний үгийг зөв заагч болж чадна (2 Тимот 2:15).

ЗАЛБИРАЛ

Үнэ цэнэтэй Бурхан Аав аа, амьдралын минь замыг заадаг Таны Үгийн төлөө Танд баярлалаа. Миний эцэс төгсгөлгүй боломж, хязгааргүй амьдралын баталгаа болсон Таны Сүнсэнд би өөрийгөө өгсөн. Би Бурханы хүүхэд тул хууртахгүй, мэхлэгдэхгүй. Миний гэрэл, аврал минь болсон Таны Үгийг би мэддэг учир өөрийнхөө амьдрал дахь Таны дуудлагыг хэрэгжүүлж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

2 Петр 2:3 MSG; 1 Тимот 4:1-2

1 жил Библи унших төлөвлөгөө

2 Коринт 8-9 & Сургаалт үгс 24-26

2 жил Библи унших төлөвлөгөө

2 Тесалоник 2:11-17 & Иеремиа 27



Leave comments on today's devotional at
www.rhapsodyofrealities.org



ТҮҮН РҮҮ НЭРЭЭР НЬ ХАНД



*Есүс ард олны гүйлдэн цуглаж
буйг хараад, бузар сүнсийг зандарч,
түүнд:—Хэлгүй дүлийн сүнс ээ.
Би чамд тушааж байна. Түүнээс
гар, дахиж түүнд бүү ор гэж хэлэв
(Марк 9:25).*

Хэрвээ, та чөтгөрүүдийг хэрхэн хөөх талаар хэзээ нэгэн цагт мэдэхийг хүсэж байсан бол дээрх эшлэлд Есүс маш тодорхой хэлсэн байна. Нөхцөл байдлыг хариуцсан сүнстэй Тэр ярьсан. *«Хэлгүй дүлийн сүнс ээ! Би чамд тушааж байна. Түүнээс гар, дахиж түүнд бүү ор.»* гэж Тэр хэлсэн. Тэрээр, зүгээр л: «Би чамд тушааж байна» гэж хэлээгүй. Хориглох зүйлд л Тэр хэлсэн. Тэр хэлгүй, дүлийн сүнс гэж тодорхой нэрээр нь чөтгөрт хандаж хэлсэн. Тэгээд, чөтгөр гарсан нь мэдээж.

«Сатан, би чамайг хүлж байна.» гэж хэлэх нь хангалтгүй. Сатан гэдэг нь чөтгөрийн ерөнхий нэр юм. Та ийм үед ямар ямар чөтгөр, тодорхой чөтгөртэй харьцдаг вэ? Та үүнийг ямар нэгэн зовлон шаналал, асуудал эсвэл өөр зүйлээр нь мэдэж болох юм. Түүнийг танд илчлэх Ариун Сүнсээр дамжуулан, та мэднэ.

Тэд өөрсдийн ажлыг хийхдээ, мөн чанараа харуулдаг бөгөөд энэ нь тэдгээрийг таньж, тэдэнд зохих ёсоор хандахад тань тусална.

Чөтгөрийн илэрч буй зан авираар дамжуулан түүний нэрийг мэдэж болно. Учир нь, зан авирын байдал нь түүний нэр юм. Бичээсээс харахад, чөтгөрүүд өөрсдийн зан авираар нэрлэгдсэн байна.

Жишээлбэл, хэрэв та бузар сүнсийг олж мэдсэн бол чөтгөрийн сүнсний нэрийг асуух шаардлагагүй. Та түүнд энэ нэрээр нь хандаж: «Бузар сүнс ээ, Есүсийн Нэрээр гарахыг би чамд тушааж байна!» гэж хэл. Хэрвээ, та Есүсийн Нэрээр тушаавал, нэг ч чөтгөр эсэргүүцэж чадахгүй.

«Энэ нь Есүсийн нэрд Тэнгэр, газар дээр, газрын доорх бүгд өвдөг сөгдөж,» (Филиппой 2:10) гэж Библи хэлж байна. Бузар сүнснүүдийг хөөх эрх мэдлийг Тэр танд өгсөн гэж Марк номын 6:7 хэлж байна. Сайн Мэдээний Матай номын 10:8-д, **«Өвчтөнийг эдгээ, үхэгсдийг босго, уяман өвчтөнг цэвэрлэ, чөтгөрийг зайлуул.»** гэж Тэр тодорхой хэлсэн. Халлилуйя!

ЗАЛБИРАЛ

Хамгаас эрхэм Бурхан Аав аа, чөтгөрүүдийг зайлуулахын тулд Есүсийн Бүхнийг Чадагч Нэрийг ашиглах эрх мэдлийг надад өгсөнд баярлалаа. Миний амьдралд ч, миний гэрт ч, миний хайртай хүмүүсийн амьдралд ч сатан орших орон зай огт байхгүй. Би үргэлж ялалтаар алхаж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Марк 1:25-26; Марк 16:17; Лук 10:18-19

1 жил Библи унших төлөвлөгөө

2 Коринт 10:1-18 & Сургаалт үгс 27-28

2 жил Библи унших төлөвлөгөө

2 Тесалоник 3:1-10 & Иеремиа 28



Leave comments on today's devotional at
www.rhapsodyofrealities.org



ТҮҮНИЙ ТӨГС БАЙДАЛ, АРИУН ҮЙЛСИЙГ ХАРУУЛ



*Харин та нар сонгогдсон угсаа,
хаан тахилч, ариун үндэстэн,
Бурханы эзэмшлийн ард түмэн юм.
Ингэснээр харанхуйгаас та нарыг
Өөрийн гайхамшигт гэрэл уруу
дуудсан Түүний хүчирхэг үйлдлийг
та нар тунхаглах юм (1 Петр 2:9).*

Бид Бурханы хүүхдийн хувьд Христийн ариун үйлс, төгс байдлыг харуулахаар дуудагдсан. Энэ бол бидний үйлчлэл, энэ бол бидний амьдрал мөн. *«Би бол усан үзмийн мод, та нар мөчрүүд...»* (Иохан 15:5) гэж Есүс хэлсэн. Мөчир бол усан үзмийн модны жимсэлдэг хэсэг юм. Бид Түүний үр жимсийг, Түүний ариун үйлсийг авчирдаг.

Үзэн ядалт, гомдол хорсол, уур хилэн, худал хуурмаг байдал нь Бурханы ариун байдал биш. Тиймээс, тэдгээр нь таны сэргээгдсэн сүнсний нэг хэсэг, эсвэл онцлог шинж болдоггүй. Үүний оронд, та Бурханы эелдэг байдал, хайр энэрэл, зовлон шаналал, тэвчээр, эелдэг зөөлөн байдал, дөлгөөн зан, мэргэн ухаан, давуу талыг харуулах хэрэгтэй.

Тиймээс, өөрийнхөө гэрт, сургуульд, ажил дээрээ болон хаа сайгүй төгс байдлыг харуул. Энэ нь, танд хамаатай бүхнээр харагдах болтугай.

Үүнээс гадна, таны үгс гоо сайхан болон үнэнийг

дамжуулах ёстой. Хүч чадал хийгээд амиар дүүрэн үгээр танд хандсан сүнсний итгэлийг сэргээж, сүнсийг босгон байгуулах энэрэнгүй үгээрээ дамжуулан, Түүний төгс байдал, ариун үйлсийг харуул.

Тэр биднийг энэ дэлхийн гайхамшиг, Түүний суу алдар, зөвт байдлыг харуулах сав болгосон. Тэр, хүмүүсийн зүрх сэтгэлд Өөрийнхөө Хаанчлалыг тогтоохдоо, танаар дамжуулан бусдад хайраа илэрхийлдэг. Халлилуйя!

ТУНХАГ

Би суу алдартай, хүч чадалтай, амжилттай, нөлөөтэй амьдралаар амьдардаг. Би бол Түүний ариун үйлс, гайхамшигтай үйлс, төгс байдал, давуу тал, мэргэн ухааныг илэрхийлэхийн тулд бүтээгдсэн Есүс Христ доторх Түүний бүтээл мөн, Есүсийн Нэрээр. Амен.

ЦААШИД СУДЛАХ ЭШЛЭЛ:

Ефес 2:10; Матай 5:14-16

1 жил Библи унших төлөвлөгөө

2 Коринт 11:1-15 & Сургаалт үгс 29-31

2 жил Библи унших төлөвлөгөө

2 Тесалоник 3:11-18 & Иеремиа 29



Leave comments on today's devotional at
www.rhapsodyofrealities.org

ТҮҮНИЙ МӨРӨӨДЛИЙГ БИЕЛҮҮЛЭХЭД ТӨВЛӨР



Хорвоо хийгээд хорвоогийн юмсад бүү дурла. Хэн нэг нь хорвоод дурладаг бол түүнд Эцэгийн хайр алга. Учир нь хорвоод байгаа бүхэн тухайлбал, махбодын хүсэл тачаал, нүдний хүсэл тачаал, амьдралын бардамнал нь Эцэгээс бус, харин энэ хорвоогоос юм (1 Иохан 2:15-16).

Эзэн ирэх нь өмнө байснаас илүү ойртсон гэдэгтэргэлзэх хэрэггүй. Гэхдээ, *«Учир нь эхлээд урвалт гарч, сүйрлийн хөвгүүн болох ёс бусын хүн илчлэгдэхээс нааш хэн ч та нарыг ямар ч аргаар бүү мэхлэг»* (2 Тесалоник 2:3) гэж Библи хэлж байна. Үүнийг Дэлгэрэнгүй орчуулгад дараах байдлаар томъёолжээ: *«...тэр өдөр [өөрсдийгөө Христэд итгэгч хэмээн тунхаглагчдын өмнө хэлэгдсэн агуу урвалт болохгүй] ирэхгүй бөгөөд нүглийн хүн, мөхлийн хүү илчлэгдэхгүй.»*

Энэ нь, өөрийгөө Христэд итгэгч гэж тунхагладаг хүмүүс байх боловч тэд итгэлээсээ холдох болно гэсэн үг юм. Өөрийнхөө сонголтоор Есүст итгэх итгэлээсээ ухарч, урвах болно. Ийм явдал аль хэдийнэ тохиолдож байгаа бөгөөд энэхүү ертөнцийн санаа зовиол, эд баялгийн шунал, бусад зүйлд уруу татагдах нь үүний гол шалтгаан болж байна. Тиймээс, эдгээр эцсийн өдрүүдэд та хэрхэн алхах хэрэгтэй вэ? Бурхан юуг хардаг вэ? Та ямар сонголт хийх ёстой вэ?

Түүний зөвлөгөө нь манай сэдвийн эхний эшлэлд байна. Христ дотор үлд! Энэхүү ертөнцийн өнгөрөн

одох таашаалд бус, харин Хаанчлалын зүйлд анхаарлаа төвлөрүүл. Колоссай номын 3:1-2 дугаар эшлэлд үүнийг үнэхээр сайхан илэрхийлсэн байна. **«Тиймээс хэрэв та нар Христтэй хамт амилуулагдсан л юм бол дээгүүрхийг хай. Тэнд Бурханы баруун талд Христ заларч байгаа. Газар дээрхийг бус дээгүүрх зүйлсийг эрмэлз.»** гэж тэнд бичжээ.

Бурханы хүслийг биелүүлж, ертөнцөд Сайн Мэдээг тунхаглаж, Хаанчлалыг өргөжүүлэх Түүний алсын харааг хэрэгжүүлэхэд өөрийнхөө эрч хүчийг төвлөрүүл. Зөвхөн өөрийнхөө ашиг сонирхол, тав тухтай зүйлд санаа тавьдаг хүмүүсийн дунд байхаас татгалз. Тэд дэлхийн сүнсэнд ялагдсан. **«Учир нь хүн бүх ертөнцийг олж авсан ч амиа алдвал ямар ашиг байх билээ?»** (Марк 8:36) гэж Есүс хэлсэн. Та Христэд амьдралаа үндэслэсэн хүний хувьд Түүний дотор гүн гүнзгий суурьшиж, амьдрах нь маш чухал. Эзэний ажлыг баяр хөөртэй хийхдээ, гуйвалтгүй, тууштай бай. Халлилуйя!

ТУНХАГ

Үнэ цэнэтэй Бурхан Аав аа, Таны төлөө амьдрах дотоод хүчийг надад өгч, намайг ариун хэмээн нэрлэсэнд баярлалаа. Би Христэд гүн гүнзгий суурьшсан бөгөөд махбодоо шунал тачаал, мэдрэмжтэй нь цовдолсон. Ертөнцийн хязгаар хүртэл Христийн аврал хийгээд хайрыг түгээж, Таны Хаанчлалыг өргөжүүлэх явдал бол миний цорын ганц хүсэл мөн. Халлилуйя!

ЦААШИД СУДЛАХ ЭШЛЭЛ:

Илчлэлт 3:11-13

1 жил Библи унших төлөвлөгөө

2 Коринт 11:16-33 & Номлогчийн үгс 1-2

2 жил Библи унших төлөвлөгөө

1 Тимот 1:1-7 & Иеремиа 30



Leave comments on today's devotional at
www.rhapsodyofrealities.org



ТҮҮНИЙ ДОТОР ТӨГС БӨГӨӨД ГҮЙЦЭД БОЛОГСОД



*Та нарын нэг, Христ [Есүсийн] зарц
Эпафр та нарт мэнд хүргэж байна.
Бурханы бүх хүсэл дор та нар гүйцэд
болж, төгс зогсож байхын тулд
Эпафр та нарын төлөө үргэлж
залбиралдаа тэмцдэг (Колоссай 4:12).*

Дээрх эшлэлд байгаа «төгс» ба «гүйцэд» гэсэн үгсийг хооронд нь солиод ашиглаж болно. Өөрөөр хэлбэл, дээр дурдсан «төгс» гэх үгийн оронд «гүйцэд» гэсэн үгийг тавьж, эсвэл эсрэгээр нь бичиж болно.

Энд, «төгс» гэдэг нь хүчтэй, гуйвшгүй гэсэн үг юм. Энэ нь, бас боловсорсон, төлөвшсөн эсвэл төгс төгөлдөр байдалд хүрсэн буюу «насанд хүрсэн» гэсэн утгатай. Энэ бол бүрэн дүүрэн байдал, ойлголтын хийгээд мэргэн ухаан ба мэдлэгийн дүүрэн байдал, Сүнсний бүрэн дүүрэн байдал юм. Халлилуйя!

Ийнхүү, Колоссай дахь Чуулганы Христэд итгэгчдийг Христ дотор гүйцэд болж, төгс зогсохын тулд Эпафр Сүнсээр залбирав. Бурхан таны амьдралд үүнийг хүсдэг. Бурханы ажлыг хийхэд хангалттай нас бие гүйцсэн Христэд итгэгч байхыг Тэр танаас хүсэж байна.

Та сүнсээр илүү төлөвшихийн хэрээр таны амьдрал дахь Бурханы хүслийг биелүүлж чадна. Тиймээс, сүнсээр өсөх зорилгыг өөртөө тавь. «Би өсөх

болно. Би зөвхөн сүнслэгээр л боддог, Христ дотор төлөвшиж, Бурханы Үгээр дүүрэн төлөвшилд хүрэх болно.» гэж өөртөө хэл. Тэгээд, түүндээ хүрч эхэл.

Энэ зорилгын тулд Бурхан Чуулганд үйлчлэл өгсөн тухай Ефес номын 4:12-13 хэлсэн нь: **«ариун хүмүүсийн үйлчлэлийн ажилд бэлтгэж, Христийн биеийг байгуулахын тулд юм. Бид бүгд итгэхүй ба Бурханы Хүүг мэдэхүй дор нэгдэх хүртэлээ, төлөвшсөн хүн болтлоо, Христийн дүүрэл чанарын хэмжээнд хүртэлээ ингэх ажээ.»**

Хэрвээ, бид өөрсдөө Христийн бүрэн дүүрэн байдлын хэмжээнд хүрч чадахгүй байсан бол үүнийг хүс гэж Бурхан бидэнд хэлэхгүй байхсан. Энэ бол Түүний мөрөөдөл юм. Тиймээс, Үгийг анхааралтай судалж, эргэцүүлэн бодож, Ариун Сүнсний үйлчлэлд өөрийгөө зориулахдаа, үүнийг л хүс.

ТУНХАГ

Христ дотор Бурханы бүхий л бүрэн дүүрэн байдал оршдог бөгөөд би аливаа хүч чадал, бүх удирдагч, эрх мэдлийн тэргүүн болсон Түүний дотор бүрэн дүүрэн байна. Би Үгийн гэрэлд байнга явдаг учир итгэлээр тогтвортой, бат бөх, гуйвшгүй байж, Христ доторх ер бусын амьдралаар амьдарч байна. Халлилуйя!

ЦААШИД СУДЛАХ ЭШЛЭЛ:

Ефес 4:14-15; Еврей 5:14

1 жил Библи унших төлөвлөгөө

2 Коринт 12:1-21 & Номлогчийн үгс 3-5

2 жил Библи унших төлөвлөгөө

1 Тимот 1:8-14 & Иеремиа 31



Leave comments on today's devotional at
www.rhapsodyofrealities.org



ТЭР ТАНЫ ЗҮРХ СЭТГЭЛИЙГ ХҮСЭЖ БАЙНА



*Зүрхээ, хүү минь надад өг. Замыг
минь ажиглаад нүд чинь баясна
(Сургаалт үгс 23:26).*

Хүмүүс, нөхцөл байдлаас үл хамааран, ижилхэн байдаг. Жишээлбэл, зүрх сэтгэлийн өөрчлөлтөөс бусад зүйлээрээ ядуу, баян хүмүүс яг адилхан. Хэрэв хүн ядуу, уур уцаартай бол баян болоод ч өөрчлөгдөхгүй. Ядуу хүний хувьд, түүний зүрх сэтгэлд муу муухайг үйлдэх эх үүсвэргүй байдаг. Тиймээс, тэр баян болчихвол, зүрх сэтгэлдээ байгаа бузар мууг өөрийнхөө эх үүсвэрээр үйлдэж чадна.

Мөнгө нь хүний мөн чанарыг сайжруулдаг (илрүүлдэг). Хүмүүс өөрийнхөө эх үүсвэрээс хамаарч, сайн, эсвэл муу зүйлийг зүрх сэтгэлдээ хийдэг. *«Мод сайн аваас үр жимс нь сайн, мод муу аваас үр жимс нь муу. Учир нь мод үр жимсээрээ танигдана»* (Матай 12:33) гэж Есүс хэлсэн. Энэ нь, хүмүүс дотроо хэн гэдгээрээ ялгардаггүй гэсэн үг. Тэгэхээр, Бурхан юу хүсдэг вэ? Тэр таны зүрх сэтгэл дэх өөрчлөлтийг, дотроосоо өөрчлөгдөхийг л хүсэн хүлээдэг.

Тийм учраас, Тэр эхлээд Өөрийн Хаанчлалыг зүрхэнд тань байршуулдаг. Тэр, эхлээд Өөрийнхөө хайрыг таны зүрхэнд оруулна. Таны зүрх бол Түүний бүх ерөөл байдаг газар, Түүний ажиллахыг хүсдэг

газар юм. Дараа нь, тэдгээр нь таны зүрхнээс бусад руу урсах болно. Дээрээс төрсөн хүний хувьд, таны зүрхэнд Бурханы амь хийгээд мөн чанар бий. Та одоо, Христ доторх амийн эх үүсвэр боллоо.

Таны сэтгэл, махбодод өөрчлөлт ба суу алдар илэрхий болсон бөгөөд энэ нь таны сүнсэн дэх Бурханы амь ба мөн чанарын нөлөө, үйлчлэлийн үр дүн юм. Манай сэдвийн эхний эшлэлд: **«Зүрхээ, хүү минь надад өг...»** гэж Тэр хэлж байна. Хэрвээ, та хэзээ ч дээрээс төрж байгаагүй бол одоо л цаг нь болж байна. Түүнд зүрхээ өг. «Авралын залбирал»-ын хуудсыг нээгээд, бүх зүрх сэтгэлээсээ залбир.

ЗАЛБИРАЛ

Хамгаас эрхэм Бурхан Эцэг минь, миний зүрхэнд Өөрийн Хаанчлалаа тогтоосонд баярлалаа. Би Хаанчлалын амьдрал хийгээд Сайн Мэдээний бодит байдлыг бүх зүрх сэтгэлээрээ ойлгож, хүлээн зөвшөөрч байна. Дэлхий дахины аврагдаагүй хүмүүсийн зүрх сэтгэлд Бурханы авралын хүч яг одоо дүүрч, Сайн Мэдээг хүлээн авахад тэдний зүрх сэтгэл нээлттэй болж, тэд аврагдахын төлөө би залбирч байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Лук 6:45; Еврей 10:22

1 жил Библи унших төлөвлөгөө

2 Коринт 13:1-14 & Номлогчийн үгс 6-8

2 жил Библи унших төлөвлөгөө

1 Тимот 1:15-20 & Иеремиа 32



Leave comments on today's devotional at
www.rhapsodyofrealities.org

Тайлбар

Тайлбар

Тайлбар

Тайлбар



ТЭР ТАНЫ ДОТОР, ТАНТАЙ ХАМТ БАЙНА



*Би Эцэгээс гуйхад, Тэр та нарт өөр
Туслагчийг өгнө. Тэр нь та нартай
үүрд хамт байна. Тэр бол үнэний Сүнс
бөгөөд Түүнийг харахгүй мэдэхгүйгээсээ
болж ертөнц Түүнийг хүлээн авч
чадахгүй. Тэр та нартай хамт байх
бөгөөд та нарын дотор байх тул та
нар Түүнийг мэднэ (Иохан 14:16-17).*

Есүс дээш өргөгдөхөөсөө өмнө сэтгэл тайвшруулж, босгон байгуулах үгийг хэлсэн юм. Шавь нар нь Түүнийг санана гэдгийг Тэр мэдэж байсан. «Тайван бай! Би Эцэг рүү очоод, та нарт Ариун Сүнс (Өөр Тайвшруулагч)-ийг илгээхийг Түүнээс гуйна. Тэр ирээд, та нарын зүрх сэтгэлд амьдрах болно. Тэгээд, та нар Намайг эрэн хайхгүй, Миний байхгүйг мэдрэхгүй болно. Би та нартай хамт гудамжаар алхахын оронд та нарын дотор гудамжаар явах болно.» гэж Тэр хэлж байна. Бурхан алдаршиг!

Есүс Өөрийнхөө амлалтыг биелүүлсэн бөгөөд Эцэг нь Ариун Сүнсийг Пентэкостын өдөр илгээв. Үйлс номын 2:1-4, «Пентэкостын өдөр болоход тэд цөмөөрөө нэг газар цугласан байлаа. Хүчит хуй салхи мэт чимээ тэнгэрээс гэнэт гарч, тэдний сууж байсан байр бүхэлдээ үүнд автжээ. Тэгтэл галынх мэт хуваагдсан хэлүүд бий болон хүн нэгбүр дээр буув. Ийнхүү тэд бүгд Ариун Сүнсээр дүүрч...» хэмээн тунхаглаж байна.

Одоо, та дахин төрснөөр хэзээ ч Есүсийг хайх шаардлагагүй боллоо. «Эзэн минь, Та хаана байна аа?» гэж хашгирах шаардлагагүй. Тэр яг одоо таны дотор байна! Энэ нь, Бурханы оршихуй таны зүрх сэтгэлд байгааг илэрхийлж байна!

Бурхан ба Христ итгэлийн тухай таны ойлголт өнөөдрийг хүртэл ямар байсныг би мэдэхгүй. Гэхдээ, хэрвээ та Ариун Сүнснийг хүлээн авсан бол таны дотор Бурхан байгааг мэдэж ав. «Бяцхан хүүхдүүд ээ, та нар Бурханых бөгөөд тэднийг дийлсэн. Учир нь та нарын дотор байгаа Тэр бол дэлхийд байгчаас аугаа.» (1 Иохан 4:4) гэж Иоханы хэлсэнд гайхах хэрэггүй. Халлилуйя!

Таны амьдралд тохиолдож болох зүйлээс үл хамааран, шинэ илчлэлт байдаг. Энэ бол таны доторх бурханлаг байдлын илчлэлт юм! Паул элч үүнийг өнгөрсөн үеийн нууцлаг зүйл хэмээн нэрлэсэн ч, одоо Бурханы тахилчдад тодорхой болжээ: **«та нарт буй алдрын найдвар болох Христ юм.»** (Колоссай 1:26-27).

Адам үүнийг мэдээгүй. Абрахам үүнийг мэдээгүй. Исаак ч үүнийг мэдээгүй. Хуучин Гэрээний ахмадуудын хэн нь ч энэ нууцыг мэдсэнгүй. Энэ нь, «Эммануэль» (Бурхан бидэнтэй хамт)-ээс агуу бөгөөд таны доторх Тэнгэрийн Улс юм! Тэнгэрлэг байдлын бүрэн дүүрэн нь таны дотор амьдардаг бөгөөд танаар дамжин илэрдэг! Бурхан мөнхөд ивээх болтугай!

ЗАЛБИРАЛ

Хамгаас эрхэм Бурхан Эцэг минь, миний дотор Өөрийнхөө Сүнсээр амьдардаг Христийн агуу нэр төр, ерөөлийн төлөө Танд баярлалаа. Би Түүний байнгын оршихуйн ачаар хорон санаатнуудын заль мэх, энэ дэлхий дээрх хор хөнөөлтэй нөлөөнөөс дээгүүр ялгуусан ялалттай амьдарч, Бурханы хүслийг биелүүлэхийн тулд ер бусын мэргэн ухаантай, бурханлаг эрч хүчтэй болсон. Халлилуйя!

ЦААШИД СУДЛАХ ЭШЛЭЛ:

Үйлс 2:1-4; 1 Коринт 3:16; Үйлс 17:28

1 жил Библи унших төлөвлөгөө

Галат 1:1-24 & Номлогчийн үгс 9-12

2 жил Библи унших төлөвлөгөө

1 Тимот 2:1-15 & Иеремиа 33



Leave comments on today's devotional at
www.rhapsodyofrealities.org



ХУУРАМЧ АХ ДҮҮ НАР



Харин ингэсэн нь биднийг боолчлохын тулд Христ Есүс дотор бидэнд байгаа эрх чөлөөг минь тагнахаар шургалсан хуурамч ах дүү нараас болсон юм (Галат2:4).

Библид эдгээр гурван бүлгийн талаар өгүүлдэг: Хуурамч багш нар, хуурамч эш үзүүлэгчид, хуурамч ах дүү нар гэх гурван бүлгийн тухай Библи бидэнд хэлж байна. Түүнчлэн, эдгээр эцсийн өдрүүдэд тэд юу хийхийг нь ч бидэнд тодорхой харуулж байна. Чуулгануудад хуурамч ах дүү нар үнэхээр байж болох уу? Мэдээжийн хэрэг! Хуурамч ах дүү нар гэгч нь Христ Есүсийг хайрласандаа бус, харин өөр зорилгоор Бурханы ард түмний дунд ордог хүмүүс юм.

Тэд Есүс Христ доторх бидний эрх чөлөөг тагнаж, биднийг хууран мэхэлж, боолчлохын тулд нууцаар ирдгийг манай сэдвийн эхний эшлэлд хэлж байна. Тэд ямар нэгэн давуу тал олж авахын тулд хуурамч дүр төрх харуулдаг. **«Тэд (зальжин) хуурамч (шунал тачаалын, хармын) үгсээрээ та нарыг завишина...»** (2 Петр 2:3 Дэлгэрэнгүй орчуулга) гэж байна.

Хуурамч ах дүү нар бусад ах дүүсээс мөнгө олох аргыг үргэлж хайдаг. Үүний зэрэгцээ, тэд аравны нэгээ ч өргөдөггүй, бас чуулганд хандив өгдөггүй хүмүүс. Тэдний зорилго бол ашиг хонжоо олох явдал юм. Тэд пастор, удирдагч, эсвэл бүр чуулганаас урвах зэргээр мөнгөний төлөө юу ч хийж чадна. Тэд бол материаллаг ашиг олох зорилгоор чуулганы асуудлыг олон нийтэд, эрх баригчдад эсвэл мэдээллийн хэрэгслээр мэдээлдэг хүмүүс юм. Тэд бидний эсрэг ямар нэгэн буруутгал

олох гэж найдан, бидний дунд тагнуул хийдэг гэж Библи хэлж байна.

Худал хуурмаг дүр төрхөөс нь болж, хуурамч ахан дүүсийг танихад амаргүй байж магадгүй. Гэхдээ, Есүс: **«Тэгэхээр та нар тэднийг үр жимсээр нь танина»** (Матай 7:20) гэж хэлсэн. Хуурамч ахан дүүсийн онцлог шинж нь тэд эрх мэдлийг үл тоомсорлодог явдал юм. Тэд чуулганы пастор, эсвэл удирдагчдын хэлсэн зүйлд итгэж, хийх ёсгүй гэж бусдад итгүүлэхийг хичээдэг. Жишээлбэл, хувийн асуудлаар чуулганы пасторын удирдамжийг эрэлхийлж байгааг тань тэд сонсвол, бодол санааг тань шоолж, өөрийгөө гэнэн мэт санахад хүргэнэ.

Хуурамч ахан дүүсийн тухай Бурханы бидэнд өгсөн зөвлөгөө нь бузар муу нөлөөнөөс болж, тэдэнтэй харьцахгүй байхыг тэмдэглэдэг. Ийм хор хөнөөлтэй нөхөрлөлийн улмаас маш олон жинхэнэ Христэд итгэгчид итгэлээсээ холджээ. Тиймээс, Үгэнд хэлснийг л үйлд: «...та нарын биднээс хүлээн авсан уламжлалын дагуу явдаггүй, залхууран амьдрагч ах дүү бүрээс хол байхыг...» (2 Тесалоник 3:6).

ЗАЛБИРАЛ

Эзэн минь, би алдааны сүнсийг Сүнсээр олж хараад, мэргэн ухаанаар үйлдэж чаддагийн төлөө Танд баярлалаа. Таны Үг намайг харилцааны зөв замаар хөтөлж байна. Миний амьдрал дахь Таны төгс хүсэл, зорилгын зүгт би явж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

2 Иохан 1:9-10; 2 Тесалоник 3:6 АМРС

1 жил Библи унших төлөвлөгөө

Галат 2:1-21 & Соломоны дуун 1-2

2 жил Библи унших төлөвлөгөө

1 Тимот 3:1-7 & Иеремиа 34



Leave comments on today's devotional at
www.rhapsodyofrealities.org



БУРХАНТАЙ НУХАЦТАЙ ХАНД



Бурханд ойртогтун. Тэгвэл Тэр та нарт ойртоно. Нүгэлт та нар гараа цэвэрлэ. Хоёр санаат та нар зүрхээ ариусга. Шанал, гашууд, уйл. Инээд чинь гашуудал болог. Баяр хөөр чинь уйтгар гуниг болог (Иаков 4:8-9).

Ефес номын 5:15-16 бол бидний хувьд, ялангуяа эдгээр эцсийн өдрүүдэд маш чухал сургаал юм. Тэнд: *«Тиймээс та нар мэргэн бусчууд шиг биш, мэргэн хүмүүсийн ёсоор, хэрхэн алхаж буйгаа хянаж бай. Өдөр хоног цөвүүн тул цагийг үнэл.»* гэж хэлж байна. Төлбөр нь маш өндөр. Та Бурханы хүүхдийн хувьд өөрийнхөө амьдралаар амьдарч болохгүй. Та Христ Есүст харьяалагддаг тул амьдралаараа Түүнд үйлчил. Түүний төлөө амьдар.

«Та нарын бие бол Бурханаас та нарт буй, дотор чинь байдаг Ариун Сүнсний сүм бөгөөд та нар ч өөрсдөө өөрсдийнх бус гэдгээ мэддэггүй юм уу? Та нарыг үнэтэйгээр худалдан авсан тул биеэрээ Бурханыг алдаршуул» (1 Коринт 6:19-20) гэж Библи хэлж байна. Та өөртөө бус, харин Христ Есүст харьяалагддаг бөгөөд таны хэрэгжүүлэх шаардлагатай амьдралд тань зориулсан зорилго Түүнд бий. Түүний доторх өөрийнхөө зорилгыг олж, түүнийг хэрэгжүүлэх нь таны хувьд хамгийн чухал.

Амьдрал бол таны хувийн мөрөөдөл, төлөвлөгөө, хүсэл эрмэлзэл, албан тушаал биш. *«Энэ бүхэн тийн устгагдах аваас ариун байдал ба итгэл сүсэг дор та*

нар ямаршуу байх ёстой вэ?» (2 Петр 3:11) гэж Библи хэлж байна. Гоёмсог барилга байгууламж, дэлхийн хүмүүсийн сэтгэл ханамж хичнээн сайхан байх нь хамаагүй, тэдгээр нь юу ч үгүй сүйрэх болно.

Энэ нь, дэлхийн хамгийн үзэсгэлэнтэй сүмийг барьсан Соломон хааныг надад сануулдаг. Тэрээр маш их алдаршсан бөгөөд Бурхан үүнд баяртай байсан бөгөөд түүнийг ерөөсөн нь мэдээж. Гэхдээ, бидний Бурхан гараар хийсэн сүмүүдэд амьдардаггүй. Хүмүүс шүтээн шүтэх болж, Баалд үйлчилж эхэлсний үр дүнд Түүний Үгийн дагуу зохистой амьдраагүйн шийтгэл ирснээр, үзэсгэлэнт сүм нуржээ.

Дэлхийн зүйлс Бурханд чухал биш. Хэзээ нэгэн цагт энэ дэлхий дээр танд бий болох ёстой зүйлс өмнө нь ирчихсэн бөгөөд хэрэв энэ бүхэн үнэн бол тэдгээрийг бүтээсэн Тэр Нэгэний төлөө та яагаад амьдарч болохгүй гэж? Амьдралаараа Түүнд үйлчил. Эзэний үйлчлэлд нухацтай, маш нухацтай хандах хэрэгтэй.

ЗАЛБИРАЛ

Би Бурхантай хамт алхаж, Түүнд хүндэтгэл үзүүлэхийн тулд Түүний суу алдрын төлөө төрсөн. Аливаа сайн үйлст үр жимс гаргаж, бүх зүйлээр Түүнийг баярлуулж, Түүний дотор зохистой явж, бүхий л амьдралаараа Түүнд үйлчлэхийн тулд Тэр намайг анхнаасаа төлөвлөжээ. Энэ бол миний өдөр тутмын хүсэл тэмүүлэл, зорилго минь юм, Есүсийн Нэрээр. Амен.

ЦААШИД СУДЛАХ ЭШЛЭЛ:

1 Петр 1:18-19; Ефес 2:10 АМРС; 1 Коринт 7:23

1 жил Библи унших төлөвлөгөө

Галат 3:1-14 & Соломоны дуун 3-5

2 жил Библи унших төлөвлөгөө

1 Тимот 3:8-16 & Иеремиа 35



Leave comments on today's devotional at
www.rhapsodyofrealities.org



ЗАЛБИРАХ ДУУДЛАГЫГ ҮЛ ТООМСОРЛОЖ БОЛОХГҮЙ



*Тиймээс Бурханд захирагдагтун.
Диаволыг эсэргүүц. Тэгвэл тэр та
нараас зайлна (Иаков 4:7).*

Христэд итгэгч хүний хувьд Бурханы өгсөн амьдралд нухацтай хандаж, эргэн тойрондоо болж байгаа тодорхой зүйлд сүнслэгээр хэрхэн хандахаа мэддэг байх нь маш чухал. Тиймээс, залбирах хэрэгтэй. Биднийг залбирах үед ямар нэгэн зүйл болдог. Дэмий хоосон залбир гэж Тэр хэзээ ч бидэнд хэлээгүй. Танд залбирах хүсэл төрж байвал, түүнийг үл тоомсорлож болохгүй.

Ариун Сүнстэй хүн үе үе залбирах хүсэлтэй байдаг. Учир нь, Тэр Өөрөө залбирлын Сүнс юм. Тэр бидэнд залбирахыг заадаг бөгөөд бид нараар дамжин залбирдаг. Тэр бидний зүрх сэтгэлд залбирлыг өдөөдөг бөгөөд бидний залбирах үгийг аманд минь оруулдаг. Та сүнслэг амьдралаар амьдарвал, үргэлж залбирах хүсэлтэй байх болно. Үгүй бол, чөтгөрийг хэрхэн эсэргүүцэх билээ?

Чөтгөр бол сүнслэг зүйл юм. Бид түүнийг булчингаар, эсвэл биеийн хүчээр эсэргүүцдэггүй. Бид түүнийг ертөнцийн зүйлээр бус, харин итгэлээрээ эсэргүүцдэг. «Чөтгөрийг эсэргүүц, тэгвэл тэр та нараас зугтах болно» (Иаков 4:7). гэж Библид хэлж

байна. Түүнд ямар ч сонголт байхгүй. Тэр Есүсийн Нэрээс болоод л биднээс айдаг.

Таны амьдралд, хайртай хүмүүсийн тань амьдралд, танай хотод, эсвэл ард түмэнд байгаа сатаны үйл ажиллагааг таслах асар их хүчийг та ойлгосноор, залбирах боломжиндоо талархах болно! Та гараа хумхиж суугаад, таны эргэн тойрныг чөтгөр хэрхэн хорлож байгааг ажиглаж болохгүй. Залбир. Есүсийн Нэрийг түүний эсрэг ашигла.

Таныг залбирлаараа Бурхантай харилцахад, юуны талаар хэрхэн залбирахыг тань Ариун Сүнс харуулна. Сүнсний хүрээний асуудлуудыг хэрхэн шийдвэрлэж, ялахыг Тэр танд заах болно. Халлилуйя

ЗАЛБИРАЛ

Ерөөлт Аав минь ээ, залбирах давуу эрх болон хэлээр залбирах ерөөлийн төлөө Танд талархаж байна. Таны хувийн зан чанар, мөн чанар тань надаар дамжин илэрч, Таны хүсэл тэнгэрт шигээ газар дээр залбирлаар биелэхийн тулд би Сүнсний удирдамж, сануулгад мэдрэмжтэй байдаг, Есүсийн Нэрээр. Амен.

ЦААШИД СУДЛАХ ЭШЛЭЛ:

1 Тесалоник 5:17; 1 Коринт 14:2; Ром 8:26-27

1 жил Библи унших төлөвлөгөө

Галат 3:15-25 & Соломоны дуун 6-8

2 жил Библи унших төлөвлөгөө

1 Тимот 4:1-8 & Иеремиа 36



Leave comments on today's devotional at
www.rhapsodyofrealities.org



ХРИСТ ДОТОРХ АМЬДРАЛАА МЭДЭЖ ОЙЛГО



Үүгээр шүүлтийн өдөр биднийг зоригтой байлгахын тулд хайр нь бидний дунд төгс болов. Учир нь бид энэ ертөнцөд Түүн шиг байдаг (1Иохан 4:17).

Дээр эш татсан эшлэлээс: «... бид энэ ертөнцөд Түүн шиг байдаг.» гэснийг уншаад, үхэхээс өмнө Есүстэй адил байх талаар бус, харин мөнх амьтай дахин амилсан Есүс шиг байх хэрэгтэйг та ойлгоорой! Одоо, Түүн шиг амьтай. *«Хүүтэй хүнд амь бий...»* (1 Иохан 5:12) гэж Библи хэлж байна. Хэрвээ танд Есүс байгаа бол мөнх амь буюу Бурханы амь танд бий! Энэ бол өөрийнхөө эцэг эхээс төрсөн биологийн амь тань биш.

Тиймээс, *«Хэн дээрээс эс төрнө, тэр Бурханы хаанчлалыг үзэж үл чадна.»* (Иохан 3:3) гэж Есүс хэлсэн. Таны биологийн амьдрал Бурханы Хаанчлалыг харж чадахгүй гэж Тэр хэлэхдээ, зүгээр л Диваажинд очих тухай хэлээгүй, Бурханы Хаанчлалын бодит байдлыг, энэ ертөнц дэх Бурханы эзэмшлийн тухай, энэ ертөнцөд Түүний мөн чанар болон амиар хэрхэн амьдрах тухай л хэлсэн.

Та дахин төрснөөр, энэ амьдралдаа Бурханы Хаанчлалыг одоо мэдэрнэ. Энэ нь, таны өдөр тутмын туршлага, өдөр бүрийн алхам болно. Христ итгэл ийм л байдаг. Христ таны дотор амьдардаг бөгөөд та Түүнтэй салшгүй холбогдсон. 1 Коринт номын

6:17, «*Харин Эзэнтэй нийлсэн нь Түүнтэй нэг сүнс болой.*» гэж байна.

Эзэнтэй нэг сүнсэнд нэгдсэнээр, ертөнцийг сүйрүүлэх вирус, бактери, нян, эсвэл бусад зүйлийн талаар хэрхэн санаа зовох билээ? Тиймээс, өөртөө байгаа зүйлээ мэдэхийг тань Иохан хүсэж байна. *«Та нар мөнх амьтай гэдгээ мэдээсэй гэсэндээ би Бурханы Хүүгийн нэрд итгэдэг та нарт үүнийг бичлээ»* (1 Иохан 5:13) гэж тэр хэлсэн.

Та Христ дотор өөрийнхөө хэн болохыг ойлгосон үедээ өвчтэй байж чадахгүй гэдгээ мэднэ. Нэгэнт та Христ доторх амьдралаа хүлээн зөвшөөрч, ухамсартай болсон бол энэ дэлхийн юунаас ч айхгүй амьдарч чадна. Яагаад гэвэл, та ялагдашгүй хүн. Тэр бидэнд үнэхээр сайхан амьдралыг бэлэглэсэн! Халлилуйя!

ТУНХАГ

Миний дотор Бурханы гайхамшигтай, хувиршгүй, үл муудах, гайхалтай амь бий. Би бол Бурханлаг байдлын хуваалцагч! Бурханлаг байдлын амин сүнс миний дотор ажилладаг бөгөөд бурханлаг амь биеэр минь нэвтэрч, өвчин, сул дорой байдал, үхэл, ядуурал болон Христийн Сайн Мэдээний заалтуудтай нийцэхгүй байгаа бүхнийг зайлуулж өгдөг. Би дийлдэшгүй, халдашгүй, гэм зэмгүй хүн. Халлилуйя!

ЦААШИД СУДЛАХ ЭШЛЭЛ:

1 Иохан 5:11-13; 1 Коринт 15:47-49 АМРС

1 жил Библи унших төлөвлөгөө

Галат 3:26-4:1-20 & Исаиа 1-2

2 жил Библи унших төлөвлөгөө

1 Тимот 4:9-16 & Иеремиа 37



Leave comments on today's devotional at
www.rhapsodyofrealities.org



НЯМ ГАРАГ 20

ТҮҮНИЙ ЦУСААР ХУДАЛДАН АВАГДСАН



*Та нар мөнх амьтай гэдгээ мэдээсэй
гэсэндээ би Бурханы Хүүгийн нэрд
итгэдэг та нарт үүнийг бичлээ
(1 Коринт 6:20).*

1 Коринт номын 11:25-д, Есүс: *«Тэрчлэн зоогийн дараа мөн аяга авч “Энэ аяга нь Миний цусаар тогтоогдох шинэ гэрээ юм. Үүнээс та нар уух болгондоо Намайг дурсаж үүнийг үйлд” гэсэн»*. Түүний цус нь Түүний амийг төлөөлдөг. Тэр биднийг амьдруулахын тулд бидний төлөө Өөрийнхөө амийг өгсөн. Энэ нь, та Бурханд хичнээн чухал болохыг ойлгуулж байна. Биднийг мөнгөөр, алтаар эсвэл үнэт чулуугаар бус, харин цусаар, амьд Бурханы Хүү Есүс Христийн үнэ цэнэтэй цусаар худалдаж авсан (1 Петр 1:18-19) гэж Библи хэлж байна.

«Учир нь баян байсан ч та нарын тусын тулд хоосорсон Эзэн Есүс Христийн маань нигүүлслийг мөн Түүний хоосролоор баян болсноо та нар мэдэх билээ.» (2 Коринт 8:9). Таны амьдралын хамгийн чухал зүйл бол Түүний амийг төлөөлдөг Түүний цус нь таны жинхэнэ үнэ цэнэ болохыг санах явдал юм. Тэгээд, та энэ цусны ачаар хамгаалагдсан. Та бол Бурханы өмч. Тиймээс, та өрсөлдөгчийнхөө хүсэл зориг, эсвэл нүглийн эрх мэдэлд орхигдохгүй.

Түүний цус таны зөвт байдлын талаар ярьдаг. Та Түүний цусаар цэвэршсэн бөгөөд аврагдсан. **«Тэр ямааны болоод тугалын цусаар бус, харин мөнхийн золилтыг агуулан, Өөрийнхөө цусаар ариун газарт нэгмөсөн бүгдийн төлөө орсон»** (Еврей 9:12) хэмээн Библи хэлж байна. Христ Есүсийн үнэ цэнэтэй цусны төлөө Бурхан алдаршиг! Халлилуйя!

ТУНХАГ

Есүсийн цус надад уучлал, зөвтгөл, өршөөл, оролцоо, нөхөрлөл, цэвэршилт, Шинэ Гэрээний ерөөлүүдийг өгдөг. Би ертөнц хийгээд түүний сүйрүүлэх тогтолцоо, элементүүдээс дээгүүрх шинэ бүтээлийн хувьд Түүний Үгнээс төрсөн. Халлилуйя!

ЦААШИД СУДЛАХ ЭШЛЭЛ:

1 Петр 1:18-19; Еврей 10:14-20

1 жил Библи унших төлөвлөгөө

Галат 4:21-5:1-15 & Исаиа 3-5

2 жил Библи унших төлөвлөгөө

1 Тимот 5:1-10 & Иеремиа 38



Leave comments on today's devotional at
www.rhapsodyofrealities.org



АМИЙН НОМОН ДАХЬ ТАНЫ НЭР



Хэн нэгэн нь энэхүү эш үзүүлэгийн номын үгсээс хасах аваас Бурхан энэхүү номд бичигдсэн амийн модноос болон ариун хотоос хувийг нь хасах болно (Илчлэл 22:19).

Христэд зүрх сэтгэлээ өгвөл, тэдний нэр Амийн номонд бичигдэнэ гэж олон хүн таамагладаг. Үнэн хэрэгтээ, таны нэр Амийн номонд бичигдэнэ гэж Библид дурдаагүй. Таныг Амийн номноос арилгах боломжтойд л асуудал оршиж байна.

Гэтлэл номын 32:32-т Мосе Бурханд: «...**Та Өөрийнхөө бичсэн номоос намайг арилгаач!**» гэж хэлсэн. Амийн номын тухай Мосе мэдэж байсан. Мосе «дээрээс төрөөгүй» байсан тул энэ ном нь таныг дээрээс төрмөгц, нэр тань бичигддэг ном биш. Тэгэхээр Амийн Ном гэж юу вэ? Энэ бол дэлхий дээр төрсөн бүх хүмүүсийг бүртгэдэг Бурханы ном юм.

Манай сэдвийн эхний эшлэлийг дахин уншъя. Энэ бол хүн бүрт өгсөн сануулга. Эхлээд, бид бүгдээрээ Бурхантай хамт байх нь Түүний төлөвлөгөө байсан юм. «...**Харин ч Тэр, хэнийг ч мөхүүлэхийг хүсэлгүй, бүгдийг гэмшилд ирээсэй хэмээн хүсэж та нарт тэвчээртэй ханддаг** » (2 Петр 3:9) гэж Библи хэлж байна. Мөнх гал нь хүмүүст хэзээ ч бэлтгэгдээгүй (Матай 25:41), харин диавол болон түүний тэнгэр элч нарт зориулагдсан юм. Гэхдээ, Бурхан хүнд сонголт

хийх хүчийг өгсөн.

Эцсийн эцэст Амийн номноос нэрээ олоогүй хүмүүс зөвхөн өөрийгөө л буруутгаж болно. Бидний өмнө уншсан Гэтлэл номын 32:33-т Мосед өгсөн Бурханы хариулт: **«Миний эсрэг нүгэл үйлдсэн хэн ч бай түүнийг Би номоосоо арилгана.»** Энэ нь, та Бурханы төлөө амьдрах ёстой гэсэн үг юм.

Хайр болон зөвт байдал дотор өдөр бүр яв. Тэгээд, таны нэр Амийн номонд үлдэх болно. Христ Есүсийг алдаршуулсан амьдралаар амьдар. 2 Коринт номын 5:15, **«Тэрээр бүгдийн төлөө үхсэн учраас амьд байгсад цаашид өөрсдийн төлөө бус, харин өөрсдийнх нь төлөө үхээд, амилуулагдсан Түүний төлөө амьдрах ёстой.»** гэж байна.

ЗАЛБИРАЛ

Итгэмжтэй, зөвт шударга Бурхан Аав аа, Таны авралын хүчийн гэрч болох нэр хүндийн төлөө баярлалаа. Өнөөдөр дэлхийн өнцөг булан бүрт байгаа хүмүүс Таны Үгийг хүлээн авч, Танд хандахын төлөө би залбирч байна! Үүнээс гадна, Хаанчлал дахь миний ажил үйлс болон Тантай хамт алхах нь Таны суу алдрын төлөө Сүнсээр ариуссаныг би тунхаглаж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Исаиа 50:7 TLB; Марк 10:29-30; Илчлэлт 3:5

1 жил Библи унших төлөвлөгөө

Галат 5:16-26 & Исаиа 6-8

2 жил Библи унших төлөвлөгөө

1 Тимот 5:11-18 & Иеремиа 39



Leave comments on today's devotional at
www.rhapsodyofrealities.org

Тайлбар

Тайлбар

Тайлбар

Тайлбар



СҮНС ДОТОР ҮРГЭЛЖ ЭРҮҮЛ УХААНТАЙ, СОНОР СЭРЭМЖТЭЙ БАЙ



*Эрүүл ухаантай, сонор сэрэмжтэй бай.
Та нарын өрсөлдөгч болох диавол нь хэн
нэгнийг залгихаар хайж буй архирах
арслан мэт гэтэн явдаг (1 Петр 5:8).*

Есүс синагогт номлож байхдаа, нэгэн бөгтөр эмэгтэйг олж харав. Тэр цэх зогсож чадахгүй байв. Тэрээр, арван найман жилийн турш тийм байдалтай байсан ажээ. *«Эмэгтэй, та өвчнөөсөө чөлөөлөгдлөө гээд түүн дээр мутраа тавихад даруй тэр цэх болж, Бурханыг алдариуулж эхлэв.»* (Лук 13:12-13) гэж Есүс хэлжээ.

Есүс Амралтын өдөр эмэгтэйг эдгээсэнд дургүйцэгч синагогийн захирагчид өгсөн Багшийн хариулт гайхамшигтай зүйлийг илчилсэн юм. Тэрээр: *«Абрахамын охин энэ эмэгтэйг Сатан арван найман жилийн турш хүлээтэй байлгасжээ. Тэгвэл энэ эмэгтэй Амралтын өдөр тэрхүү хүлээснээс ангижрах ёсгүй болж байна уу?»* (Лук 13:16) гэж хэлэв.

«Сул дорой байдлын сүнсээр» дамжуулан, сатан тэр эмэгтэйг тийм байдалд байлгасныг Багш маш тодорхой хэлсэн. Түүнийг сүнстэй харьцсаны дараа тэр эмэгтэй цэх болов. Тэр эмэгтэй Бурханы хүчээр эдгэрчээ.

Есүс сүнсний ертөнцийг ойлгодог байв. Амьдрал бол сүнслэг, чөтгөрийн сүнснүүд бодитой бөгөөд

хүмүүсийн зовж шаналж буй олон сул дорой байдлын ард тэд л байдгийг нь Тэр мэдэж байсан. Бичээс болон Түүний Ариун Сүнсээр бидэнд өгсөн ойлголтоор дамжуулан, сатан ба түүний үйлсийг хэрхэн тодорхойлохыг бид ойлгодог.

Хэрэв та Бичээсийг мэдэхгүй бол сатаны заль мэхний золиос болно. Үгийг байнга судалж, эргэцүүлэн бод. Өдөр бүр хэлээр ярь. Сүнсээр дүүрэн бай. Тэгээд, таны сүнсний сонор соргог байдал хийгээд мэдрэмж тань хамгийн оргил цэгтээ хүрэх болно. Амьдралд сүнслэг хэмжээсүүд байдаг. Бурхан ямар нэгэн зүйлийг санаачилж, харин чөтгөр үгүйсгэж байгааг та мэдэх хэрэгтэй. *«Ингэсэн нь биднийг Сатан мэхэлж далимдуулах вий гэсэндээ юм. Түүний санааг бид ямар мэдэхгүй биш»* (2 Коринт 2:11) гэж Библи хэлж байна.

ТУНХАГ

Христ дотор надад өгсөн эрх мэдлээр би сатаныг болон түүний хамтрагчдыг захирч, байх ёстой газарт нь байлгаж, хөл дороо гишгэдэг! Би Бурханы суу алдраар амьдарч, бурханлаг эрүүл мэнд, амар амгалан, аюулгүй байдал, элбэг хангалуун байдал, баяр баясгалангаар алхаж байна. Би өнөөдөр Сайн Мэдээний ерөөлүүдийн бүрэн дүүрнээр алхаж байна. Халлилуйя!

ЦААШИД СУДЛАХ ЭШЛЭЛ:

Иаков 4:7; 1 Петр 5:8-9; 1 Иохан 4:4

1 жил Библи унших төлөвлөгөө

Галат 6:1-18 & Исаиа 9-10

2 жил Библи унших төлөвлөгөө

1 Тимот 5:19-25 & Иеремиа 40



Leave comments on today's devotional at
www.rhapsodyofrealities.org



ХРИСТ ДОТОРХ АМЬДРАЛ



*Тиймээс та нар Эзэн Христ Есүсийг
хүлээн авсан шигээ Түүн дотор
алхахдаа, (Колоссай 2:6).*

Дээр эш татсан Паул элчийн гайхалтай илгээлтийг авч үзэхийн өмнө 20 дугаар эшлэлийг уншицгаая: *«Та нар хорвоогийн язгуур юмсын тухайд Христтэй хамт үхсэн л бол юунд хорвоод амьдраад байгаа юм шиг өөрсдийгөө зарлиг тогтоолд захируулж»* (Колоссай 2:20). Түүний хандаж хэлсэн үгэнд анхаарлаа хандуулъя. Христэд итгэгч энэ дэлхийд, амьдралын ийм тойрогт амьдардаггүй гэж тэр хэлсэн байна. Тэгвэл, Христэд итгэгч хаана амьдардаг вэ? Тэр Христ дотор амьдардаг!

Христ бол дахин төрсөн хүний гэр орон, шинэ орчин нь мөн. 2 Коринт номын 5:17 дугаар эшлэлд анхаарлаа хандуулъя. Тэнд: «Тиймээс хэн нэг нь Христ дотор байвал...» хэмээн тунхаглаж байна. Христ бол амьдрах газар. Та өөр орчинд амьдардаг тул энэ ертөнцийн элементүүд танд нөлөөлж, таныг хянаж, бас удирдаж чадахгүй.

Энэ орчинд ямар ч бүтэлгүйтэл, сул дорой байдал, ялагдал, өвчин, ядуурал, харанхуй зүйл гэж байхгүй, бүх зүйл төгс байдаг. Бидэнд зөвхөн Бурханы суу

алдар, зөвт байдал бий.

Манай сэдвийн эхний эшлэлээс уншсан зүйлийг та одоо илүү сайн ойлгох болно: «...*Тиймээс та нар Эзэн Христ Есүсийг хүлээн авсан шигээ Түүн дотор алхахдаа*». Христ доторх амьдрал гэдэг нь нөхцөл байдлаас дээгүүр туйлын ноёрхол бүхий дэлхий дээрх Тэнгэрийн Хаанчлалаар амьдрах амьдрал юм. Та тэнд Түүний бурханлаг хүчээр хамгаалагдсан, тэжээгдсэн, хучигдсан. Халлилуйя!

ЗАЛБИРАЛ

Христ бол миний гэр. Христ бол миний амьдрал. Тэгээд, Христ бол миний хувьд бүх зүйл минь мөн! Би Түүний дотор амьдарч, хөдөлж, оршдог. Миний харж, мэдэрч байгаа бүхэн Түүний суу алдар юм. Би нөхцөл байдалд захирагддаггүй, харин ч эсрэгээр, Христийн суу алдар, зөвт байдлыг харуулж, хаанчилж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Филиппой 3:20-21 АМРС; Ром 8:1; 2 Коринт 5:17

1 жил Библи унших төлөвлөгөө

Ефес 1:1-14 & Исаиа 11-12

2 жил Библи унших төлөвлөгөө

1 Тимот 6:1-16 & Иеремиа 41



Leave comments on today's devotional at
www.rhapsodyofrealities.org



ТАНЫ ГЭРЭЛТЭХ МӨЧ



Та нар ертөнцийн гэрэл мөн. Уулан дээрх хот нуугдаж үл чадна (Матай 5:14).

Орчин үеийн энэ ертөнц бол сүнсний харанхуй ертөнц юм. Есүсийн өдрүүдэд ч бас тийм л байсан. Түүнийг баривчлах үеэр Түүний хэлснийг санацгаая: «...**Харин энэ цаг болоод харанхуйн хүч нь та нарынх юм гэв.**» (Лук 22:53). Есүсийг тэнгэрт өргөгдсөний дараа ч дэлхий түнэр харанхуй хэвээр байв. Гэхдээ, та энэ харанхуйн шийдэл нь болсон. Та бол ертөнцийн гэрэл гэсэн Есүсийн үгийг манай сэдвийн эхний эшлэлээс бид уншиж байна.

Эдгээр сүүлийн өдрүүдэд та Ариун Сүнсний хүчээр илүү тод гэрэлтэх ёстой. Манай ертөнц чөтгөрт зориулагдаагүй, харин Эзэнд зориулагдсан. Тэр Сүнсний ертөнцөөс зөвт байдлаар болон Түүний гэрлээр ертөнцийг захирахын тулд биднийг энд тавьсан юм. Та Христ доторх өөрийн өв, бурханлаг эрх мэдэлд тулгуурлан, итгэлээрээ алхаж, Үгийн дагуу үйлдэхдээ өөрийнхөө гэрлийг улам тод гэрэлтүүлдэг.

Энэ ертөнцийг сүйтгэж буй өвчин, сул дорой байдал, ядуурал, найдваргүй байдал гэх мэт харанхуй байгаа эсэхээс үл хамааран, та Үгээр дамжуулан Христ дотор захирч, хаанчлах бүрэн эрхтэй. Бусад хүмүүс таныг хараад, жинхэнэ Христэд итгэгч гэж ойлгох болно. Тэд таны доторх Христийн суу алдар, төгс

байдлыг харна.

Исаиа номын 60:1-2: *«Бос, гэрэлт. Учир нь гэрэл чинь ирж, ЭЗЭНий алдар чиний дээр мандаж байна. Үзэгтүн, газрыг харанхуй, Хүмүүсийг гүн харанхуй бүрхэнэ. Гэвч ЭЗЭН чиний дээр мандаж, Алдар нь чиний дээр үзэгдэнэ.»* гэж байна. Энэ бол Бурханы Үгээр баталгаажсан, эрүүл оюун ухаан ба махбод, эрүүл мэнд, зөвт байдал, хөгжил цэцэглэлтээр алхахдаа харанхуй ертөнцөд гэрэлтэх мөч тань юм.

ЗАЛБИРАЛ

Би бол дэлхийн гэрэл, өөрийнхөө ертөнцийг гэрэлтүүлэхээр уулын орой дээр байрласан хот мөн. Христийн суу алдар ба зөвт байдал нь миний дотор, надаар дамжин илэрдэг. Би эрүүл оюун ухаан ба махбод, хөгжил дэвшил, ерөөлөөр алхаж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Исаиа 60:1-3; Иохан 9:5; Филиппой 2:15; 1 Тесалоник 5:5

1 жил Библи унших төлөвлөгөө

Ефес 1:15-2:1-10 & Исаиа 13-14

2 жил Библи унших төлөвлөгөө

1 Тимот 6:17-21 & Иеремиа 42



Leave comments on today's devotional at
www.rhapsodyofrealities.org



БУРХАНЫ ЦАГ ХУГАЦААНЫ ОЙЛГОЛТ



Тэрээр надад: —Бүү ай, Даниел аа. Ухаарал авч, Бурханыхаа өмнө өөрийгөө дорд болгохоор зүрх гаргасан анхны өдрөөс чиний үгсийг Бурхан сонссон учир би үгсийн чинь улмаас ирлээ (Даниел 10:12).

Бид Бурханы Хаанчлалд онцгой төлөвлөгөө, баталгаан дотор байдаг. Үгийн мэдлэгийн ачаар Сүнс биднийг Түүний төлөвлөгөө, цаг хугацааны дагуу удирддаг.

Жишээлбэл, Даниел номын 9 дүгээр бүлэгт Израилийн ард түмэнтэй хамт боолчлолд байхдаа, Иеремиа эш үзүүлэгчийн бичээсээс Бурханы цагийг ойлгосон гэж Библи бидэнд хэлж байна. Тэд далан жилийн турш боолчлолд байх ёстойг тэр мэдсэн бөгөөд хугацаа нь ч дуусах дөхөж байв.

Гэхдээ, юу ч өөрчлөгдөөгүй тул амьдралдаа Бурханы төлөвлөгөөг хэрэгжүүлэхийн төлөө Даниел мацаг ба залбирлаар дамжуулан, Эзэнийг эрэн хайхаар шийджээ. Үүний үр дүнд, Бурханы хөтөлбөрийг биелүүлэхийн тулд тэрээр залбирал, мацагт орсон юм.

Есүс Израильд үйлчилсэн сүүлийн өдрүүдэд Тэр Иерусалимын дээр уйлсан. Учир нь, манай эхний эшлэлээс харахад, тэд байх «хугацаагаа» мэдээгүй байжээ. Тэдний хүлээж байсан Эзэн тэдэн дээр ирсэн боловч тэд Түүнийг таньсангүй. Үнэхээр гунигтай. Өнөөдөр олон хүн ийм зүйлийг хийдэг.

Таны амьдрал дахь Бурханы хүсэл, цаг хугацаатай зохицохыг эн тэргүүнд тавь. Бичээсийг хичээнгүйлэн судалж, залбиралд цаг гарга. Бид бол Есүсийн Нэр, Ариун Сүнсний хүчийг ашиглан, газар дээр Түүний хүслийг хэрэгжүүлэхийн тулд Бурханаар илгээгдсэн хүмүүс.

Гэхдээ, хэрэв та Бурханы хүсэл, цаг хугацааг мэдээгүй бол дэлхий дээр Эзэний сонирхол, таны хүсэлд тохирохгүй зүйл тохиолдох болно. Тиймээс, та дэлхий дахины Сайн Мэдээний үйлчлэгчид болон Бурханы Чуулганы төлөө, үндэстнүүдийн төлөө Сүнсээр залбирах хэрэгтэй. Хаанчлал танаас хамаарч байгаа мэт залбир. Учир нь, үнэхээр тийм л байдаг. Халлилуйя!

ЗАЛБИРАЛ

Үнэ цэнэтэй Бурхан Эцэг минь, Чуулганы өргөлтөөр дуусах, өмнө нь хэзээ ч байгаагүй Таны ажил үйлс, ерөөлийн илрэл, гайхамшгийн улирлын төлөө Танд баярлалаа. Хатуу ширүүн хавчлага, шударга бус явдалтай тулгардаг дэлхийн өнцөг булан бүрт байгаа ариун хүмүүс Бурханы хүслийн бүрэн дүүрэн дотор бат зогсож, хүчирхэгжихийн төлөө би залбирч байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Даниел 9:2-4; 1 Петр 5:8-9; 1 Шастир 12:32

1 жил Библи унших төлөвлөгөө

Ефес 2:11-22 & Исаиа 15-18

2 жил Библи унших төлөвлөгөө

2 Тимот 1:1-18 & Иеремиа 43



Leave comments on today's devotional at
www.rhapsodyofrealities.org



БУРХАНЛАГ МӨН ЧАНАРЫН ТУХАЙ ТАНЫ МЭДЛЭГ



*Бурханлаг мөн чанарын тухай таны
мэдлэг Бяцхан хүүхдүүд ээ, та нар
Бурханых бөгөөд тэднийг дийлсэн.
Учир нь та нарын дотор байгаа Тэр бол
дэлхийд байгчаас аугаа (1 Иохан 4:4).*

Дээрх эшлэлд хэлсэн Сүнсний хэлийг олон хүмүүс ойлгодоггүй. Тэнд, «...та нар Бурханых...» гэж хэлсэн нь та бол Бурханы төрлийн хүн, та Түүнээс төрсөн гэсэн утгатай. Энэ нь, Христэд итгэгчийг жирийн хүн бус, харин бурханлаг хүн болгодог. Халлилуйя!

Христ дотор хэн гэдгээ ойлгоогүй хүмүүс ийм байдлаа алддаг. 1 Иохан номын 5:13-т Иохан элч энэ тухай хэлэхдээ: «Та нар мөнх амьтай гэдгээ мэдээсэй гэсэндээ би Бурханы Хүүгийн нэрд итгэдэг та нарт үүнийг бичлээ.» гэсэн. Бурхан таныг дотроо байгаа Түүний амийг ухамсарлан, ойлгож мэдээсэй гэж хүсдэг. Та бол бурханлаг амийн тээгч, Бурханы зөөгч юм.

Есүс Эзэний талаар Библид: «...Түүн дотор Бурханы төгс дүүрэн нь бүхлээрээ биетээр оришдог... Түүн дотор та нар төгс болгогдсон » (Колоссай 2:9-10) гэж хэлсэн. «...Түүн дотор та нар төгс болгогдсон...» гэсэн илэрхийлэлд анхаарлаа хандуул. Өөрөөр хэлбэл, Есүсийн дотор байсан бүхий л бурханлаг байдал нь таны дотор ч бас бий гэсэн үг. Петр элч биднийг бурханлаг мөн чанарын хуваалцагчид, «Бурханлаг байдлын оролцогчид» гэж

нэрлэсэнд гайхах зүйл огт байхгүй (2 Петр 1:4).

Та Бурханаар дүүрсэн, буюу бялхтал дүүрсэн байна. Энэ бол «Түүний дотор төгс байна» гэсэн үг. Таныг бурханлаг болгоход өөр юу ч хэрэггүй. Тиймээс, өвчин, өвдөлт, сул дорой байдал нь амьдралын тань хэсэг болж чадахгүй. Хэрэв, та Бурханы амийн талаар эргэцүүлэн бодсон бол амьдралдаа нэг ч өдөр дахин өвдөхгүй байхсан.

Та нар бол цусаар биш, махан биеийн хүслээр ч биш, эсвэл хүний хүслээр ч биш, харин Бурханаар төрөгсөд билээ (Иохан 1:13). Таны доторх амь бол Бурханы ачаар өвдөх, ялагдах, эсвэл «гэнэтийн зүйл» тохиолдох боломжгүй амь юм. Энэхүү бодит байдлын талаархи таны ойлголт нь амьдралыг тань өдөр бүр ноёрхол хийгээд мөнхийн ялалттай болгоно. Бурхан алдаршиг!

ТУНХАГ

Бурхан ерөөгдөх болтугай! Би өөрийнхөө бурханлаг мөн чанарын ойлголттой бөгөөд түүний дотор явж байна. Би энэ ертөнцийн сүйрэл, үхэл, өвчин, сул дорой байдлаас дээгүүрх эрх мэдлээр алхдаг. Миний доторх Христ бол бүхнээс агуу бөгөөд би өнөөдөр хийгээд өнө мөнхөд Эзэнтэй нэгдмэл байдагтаа баярлаж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

2 Петр 1:4; Иохан 5:26; 1 Иохан 5:11-13

1 жил Библи унших төлөвлөгөө

Ефес 3:1-21 & Исаиа 19-22

2 жил Библи унших төлөвлөгөө

2 Тимот 2:1-10 & Иеремиа 44



Leave comments on today's devotional at
www.rhapsodyofrealities.org



ХҮҮХЭД ШИГ ИТГЭ



Бүх зүрхээрээ ЭЗЭНд итгэ. Бүү түшиглэ, өөрийнхөө ойлголтод (Сургаалт үгс 3:5).

Итгэмтгий байх нь гэнэн байхтай адил биш бөгөөд үүний ялгааг ойлгох нь маш чухал. Яагаад гэвэл, өөрийгөө итгэгч гэж боддог гэнэн хүмүүс ч бий. Гэнэн байх нь амархан мэхлэгдэнэ гэсэн үг. Гэхдээ, хүүхдүүд амархан мэхлэгддэггүй. Тэд ихэвчлэн итгэдэг. Тэд таны хувийн шинж чанар, зан чанарт итгэдэг.

Гэхдээ, насанд хүрэгчид гэнэн байж болно. Насанд хүрсэн хүн бусдад итгэхээсээ өмнө хэлсэн бүх зүйлийнх нь талаар эргэцүүлэн бодохыг хичээдэг бөгөөд тэр итгэсэн хүнийхээ тухай санаа зовохгүй ч байж магадгүй.

Жишээлбэл, хэрвээ та хүүхдээ тагтнаас буулгахын тулд дор зогсож байгаа хүнээс түүнийг тосож аваач гэж гуйжээ. Дор зогсож байгаа хүн өөрийг нь тосож авна гэдэгт хүүхэд итгэдэг тул доошоо буухад бэлэн байх болно. Дор зогсож байгаа хүн өөрийг нь барьж авах хүчтэй, чадвартай эсэхийг хүүхэд мэдэхгүй ч унагаахгүй гэдэгт нь итгэнэ. Хүүхдийнх шиг ийм л итгэлээр та Бурханд итгэх ёстой.

Матай номын 18:3 (Дэлгэрэнгүй орчуулга)-т: «... *[итгэмтгий, даруу, хайрлагч, өршөөнгүй]*...» бяцхан хүүхэд шиг бай гэж Есүс Эзэн сануулж байна. Тэр Бурханы хувийн чанарт итгэхийг тан хүсэж байна. Түүний хувийн чанар Үгээр нь илчлэгддэг. Тэр хэзээ ч таныг хуурахгүй, асуудалд оруулахгүй. Өөрийнхөө амьдрал дахь Түүний зорилгыг хэрэгжүүлэхийн тулд бүхий л итгэлээ Түүнд өг.

Хүмүүс заримдаа Бурханы хүссэн зүйлийг хийж, «Түүнд туслах»-ыг хичээдэг. Тэр танд алсын хараа өгсөн, эсвэл таны зорилгод хамаатай зарим санааг тантай хуваалцсан байж болох бөгөөд та үүнд маш их баярлаж, бүх зүйл хэрхэн ажиллахыг харах гэж хүсэх нь сайн хэрэг! Гэхдээ, хэрэв та Ариун Сүнсэнд итгэдэггүй, Түүнд дуулгаваргүй бол «Бурханаар» тоглохыг оролдож байна гэсэн үг. Та өөрийнхөө мэргэн ухаанаар Түүнд туслахыг хичээж, Түүний дүрд тоглож эхлэх болно. Гэхдээ, эцсийн үр дүн нь таалагдахгүй.

Таны амьдралын төлөвлөгөө зөвхөн Түүнд байдаг бөгөөд Тэр л түүнийг мэддэгт итгэх нь хамгийн сайн. Бурхан түүнийг хаашаа хөтөлж байгааг мэдэхгүй ч Эзэнд итгэж, дагасан Абрахамаас үлгэр дууриал ав. Библид: «харин Хүүгийн тухайд *«Бурхан минь, Таны сэнтий мөнхийн мөнх. Үнэн зөвийн очирт таяг нь Таны хаанчлалын очирт таяг мөн»* (Еврей 11:8) гэж байна.

ЗАЛБИРАЛ

Үнэ цэнэтэй Бурхан Аав аа, би Таны Үгэнд тулгуурлан, Таны зааврын дагуу үйлдэхдээ, аливаа зүйлд бүх зүрх сэтгэлээрээ өөрийнхөө амьдралыг Танд найдаж байна. Та хэзээ нэгэн цагт өөртөө хүсэж байснаас минь илүү амжилтыг надад хүсэж, надаас илүүтэй сонирхдогт бүрэн итгэлтэй тул би өөрийнхөө төлөвлөгөө, ирээдүйн хүсэл тэмүүлээ Танд өгч байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Сургаалт үгс 3:5-6; Дуулал 18:30

1 жил Библи унших төлөвлөгөө

Ефес 4:1-16 & Исаиа 23-24

2 жил Библи унших төлөвлөгөө

2 Тимот 2:11-26 & Иеремиа 45



Leave comments on today's devotional at
www.rhapsodyofrealities.org



ТАНЫ «ЭХ ҮҮСВЭРИЙГ» БОХИРДУУЛЖ БОЛОХ «БУЗАР МУУГААС» ТАТГАЛЗ



*... Бичвэр хэлсэнчлэн Надад итгэгчийн
дотроос амийн усны гол урсах болно
(Иохан 7:38).*

Исаиа номын 12:3, *«Та нар авралын худгаас
бояартайгаар ус татна.»* гэж байна. Авралын булаг нь таны сүнсний хамгийн алслагдмал буланд байгаа Христийн бүх ерөөлүүдийг илэрхийлдэг. Амийн эх сурвалж нь таны сүнснээс ирдэг гэж Библид хэлж байна. Та дотроо ерөөлийн оргилуурыг тээж явдаг.

Харин, чөтгөр тэрхүү «эх сурвалж»-ийг хаах гэж үргэлж хичээдэг. Библийн өдрүүдэд тохиолдсон явдлыг бодоод үз л дээ: Хотыг эзлэн түрэмгийлэгчид оршин суугчдыг бухимдуулахын тулд тухайн хотын худгийг шавраар дүүргэдэг байв. Худаг бол амийн булаг мэт хүмүүсийн усны эх үүсвэр байсан юм.

Исаак филистчүүдийн зүгээс ирсэн тийм хэцүү сорилтуудыг даван туулсан юм. Исаакийн хувьд, *«Исаак тэнд тахилын ширээ босгож, ЭЗЭНий нэрийг дуудан, тэнд майхнаа барьж, түүний зарц нар худаг ухжээ... тэд — ЭЗЭН чамтай хамт байгааг бид үзлээ. Тиймээс та бидний хооронд тангараг байж, тантай гэрээ байгуулъя...»* (Эхлэл 26:25,28) гэж Библи хэлж байна.

Филистчүүд Исаакт саад болохын тулд түүний

ухсан худгийг хаасантай адил сатан таны сүнсэн дэх амийн усны булгийг хаах гэж хичээдэг бөгөөд таны амьдралд Христийн баяр хөөр байхгүй болно гэж итгэдэг. Таныг бусдад баяр хөөртэй үйлчлэхгүй байхыг тэр хүсдэг.

Таны «булгийг» бөглөхдөө ашигладаг түүний багаж хэрэгсэл нь гомдол цөхрөл, атаа жөтөө, үзэн ядалт, гомдол, үл уучлал, айдас, шүүлтийн хандлага юм. Таны амьдралд ийм «бохир зүйл» хийхийг сатанд бүү зөвшөөр. Та уурласан, гомдсон, бухимдсан үедээ өөрийнхөө ертөнцийг үр дүнтэй ерөөж, амьдралаараа баярлан бахархаж чадахгүйг тэр мэддэг.

Тиймээс, эсрэгээр нь өдөр бүр Бурханы хайр, баяр хөөр дотроос тань гэрэлтэхийг сонго. Тэгвэл, чөтгөр таны амьдралд орж чадахгүй.

ЗАЛБИРАЛ

Хамгаас эрхэм Бурхан Эцэг минь, миний зүрхэн дэх Христийн бүрэн дүүрэн байдал хийгээд Ариун Сүнсээр зүрх сэтгэлээс минь урсдаг Таны хайрын төлөөТанд баярлалаа. Би аварга том алхаагаар дэвшил хийхдээ, суу алдрын амьдралаар явж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

Ефес 4:31-32; Иаков 3:15-17; Еврей 12:15

1 жил Библи унших төлөвлөгөө

Ефес 4:17-5:1-2 & Исаиа 25-26

2 жил Библи унших төлөвлөгөө

2 Тимот 3:1-17 & Иеремиа 46



Leave comments on today's devotional at
www.rhapsodyofrealities.org

Тайлбар

Тайлбар

Тайлбар

Тайлбар



СҮНСЭЭ ДАСГАЛЖУУЛАХ ЗӨВ АРГА



Харин олиггүй буюу эмгэдийн үлгэрүүдийг бүү зөвшөөр. Өөрийгөө итгэл сүсэгт дасгалжуул. Учир нь биеийн дасгал нь өчүүхэн тустай. Харин одоогийн болон ирэх амийн төлөөх амлалт бүхий итгэл сүсэг нь бүх зүйлд тустай (Тимот 4:7-8).

Өөрийгөө бурханлаг байдлаар дасгалжуулах гэдэг нь жинхэнэ таныг төлөөлж байгаа хүний сүнснийг дасгалжуулна гэсэн үг юм. Сүнсээ дасгалжуулах өөр нэг найдвартай арга бол хэлээр залбирах явдал мөн. Энэ нь, таны сүнснийг Бурханы төлөө шатсан, гэрэлтсэн болгодог. Иуда номын 1:20, **«Хайртууд минь, харин та нар хамгийн ариун итгэл дээрээ өөрсдийгөө сүндэрлүүлж, Ариун Сүнсээр залбиран»** гэж байна. Мөн 1 Коринт номын 14:4, **«Хэл ярихуйгаар ярьдаг нь өөрийгөө босгон байгуулдаг...»** хэмээн хэлж байна.

Хэлээр тогтмол залбирдаг Христэд итгэгчид Сүнснээс ирсэн зүйл дээр илүү төвлөрдөг. Тэд Ариун Сүнсний удирдамж, чиглүүлэгт илүү мэдрэмтгий бөгөөд хариу үйлдэл үзүүлж чаддаг. Та хэлээр байнга залбирахад, таны сүнс сургагддаг бөгөөд Сайн Мэдээг тунхаглахад ямагт бэлэн байдаг.

Хэлээр ярихаас өдрийг эхлүүлдэг зуршлаа

хөгжүүл. Дараа нь, өдрийн турш ижил цаг хугацааны давтамжтай хэлээр залбир. Та ажил дээрээ, эсвэл бизнесээ эрхэлж байхдаа ч хэлээр ярих нь маш сайн. Энэ бол сүнсийг тань цэнэглэж, идэвхжүүлэх хамгийн хурдан арга юм.

Сүнсээ дасгалжуулахад залбиралд бус, харин биеийнхээ хэлбэрт илүү их анхаардаг хүмүүс бий. Та хэлээр байнга залбирахын тулд өөрийгөө дасгалжуулахаас гадна бурханлаг амьдралаар явах чадвар тань хүчирхэгжиж, Бурханы Үгийг ойлгож, хүлээн авахад таны сүнс нээгдэнэ.

ЗАЛБИРАЛ

Хамгаас эрхэм Бурхан Аав аа, би Таны Үгэнд маш их дуртай! Хэлээр ярих замаар сүнсээ хэрхэн сургаж, дасгалжуулахыг харуулсанд баярлалаа. Өнөөдөр таны удирдамжийг авахын тулд сүнс минь идэвхжиж, би ажил, амьдрал, үйлчлэлдээ алдраас алдарт агуу амжилтуудыг гаргаж байна, Есүсийн Нэрээр. Амен.

ЦААШИД СУДЛАХ ЭШЛЭЛ:

1 Тимот 4:7-8 АМРС; 1 Коринт 14:4 АМРС;
Еврей 5:14

1 жил Библи унших төлөвлөгөө

Ефес 5:3-21 & Исаиа 27-28

2 жил Библи унших төлөвлөгөө

2 Тимот 4:1-10 & Иеремиа 47



Leave comments on today's devotional at
www.rhapsodyofrealities.org



ТҮҮНИЙ ҮГЭНД ИТГЭХ ИТГЭЛ



... Яв, чиний итгэсэнчлэн болог гэх яг тэр цагт зарц нь эдгэрчээ (Матай 8:13).

Есүс Эзэн Өөрийнхөө дахин амилалтын дараа нур жимсгүй загасчлалаасаа буцаж явсан шавь нартаа нэгэн өдөр үзэгдэв. Шавь нар шөнөжингөө ажиллаад нэг ч загас бариагүй байлаа. Тэгэхэд нь Есүс тэдэнд: **«Завиныхаа баруун талд тороо хая. Тэгвэл та нар олно...»** (Иохан 21:6) гэв. Библид: **«... Тэд тороо тийш нь хаясанд маш их загас торонд нь орсноос болоод татаж чадахааргүй болжээ.»** (Иохан 21:6) гэж байна.

Хэрвээ, тэд Есүстэй маргалдсан бол гэж төсөөлөөд үз дээ! Тэд Түүний үгэнд итгэсэн бөгөөд тэр загас нь Бурханы Үг байв. **«Бурханы үгээр ертөнц бүтээгдсэн бөгөөд ... бид итгэлээр ойлгодог»** (Еврей 11:3) гэж Библи хэлж байна. Загас нь Эзэний Үгнээс үүссэн юм. Үгэнд итгэх итгэлээрээ дамжуулан, гайхамшигийг мэдрэх, өдөр тутам ялалттай амьдрах давуу эрхийг Есүс бидэнд өгсөн.

Энэ тухай бодоод үз л дээ: Нэгэн зуутын даргын ихэд үнэлдэг боол нь өвдөөд үхлүүт байжээ. Тэр Есүсийн тухай сонсоод, Түүнийг ирж, боолын минь амийг авраач хэмээн гуйлгахаар иудейчүүдийн ахлагчдаас хэдэн хүнийг Түүн рүү явуулав. Есүс зөвшөөрч, гэр рүү нь явж байхад, зуутын дарга андуудаа илгээн: **«Би Таныг дээвэр дороо оруулах зохистой нь биш ээ...Харин үг л хэлээч, тэгвэл зарц минь эдгэрнэ.»** (Лук 7:2-7) гэв.

Есүс үүнийг сонсоод, ихэд гайхан, **«...Ийм агуу итгэлийг Би Израильд хүртэл олоогүй юм.»** гэж хэлснийг Библиэс уншиж болно. Тийнхүү явуулсан

хүмүүс нь буцаж ирээд, Есүсийн үгээр мөнөөх боол эрүүл болсныг олж харав (Лук 7:9-10). Зуутын дарга Есүсийн Үгэнд итгэсэн юм.

Таны хүсэл юу вэ? Таны энэ талбарт өөрчлөлт, эсвэл гайхамшиг хэрэгтэй юу? Бурханы Үгэнд итгэх итгэлээр үйлд. Бурханы Үг бол аливаа бэрхшээлийн хариулт мөн. Та ажил, бизнесээ алдсанаас болоод, амиа хорлох хэрэггүй. Та Эзэнд найдаж, хамгийн сайн сайханд итгэж болно. Тэр бол үхэгсдийг амилуулсан (амь өгдөг) Бурхан юм. Тэр таны алдсан гэж бодож байсан бүхнийг, бүр түүнээс ч илүүг буцааж өгөх чадвартай.

Яг одоо Түүний Үгийн дагуу үйлд. Иохан номын 14:14-т: *«Та нар нэрээр минь юм гуйвал Би түүнийг чинь үйлдэнэ.»* гэж Тэр хэлж байна. Өөрийнхөө Үгээр Түүний амалсан зүйлийг мэдээд, хүссэн бүхнээ Түүнээс гуй. Тэр таныг хэзээ ч хуурахгүй.

ЗАЛБИРАЛ

Хамгаас эрхэм Бурхан Аав аа, миний сүнсэн дэх итгэлийг бэхжүүлж, намайг амьдралын бүхий л бэрхшээлээс дээгүүр тавьдаг Таны үнэ цэнэтэй Үгэнд тань баярлалаа. Таны Үг миний зүрхэн дэх итгэлтэй минь ууссан. Тиймээс, миний итгэл амьд бөгөөд идэвхтэй, нөхцөл байдлаас дээгүүр хүчтэй тул тэдгээрийг надад зориулсан Таны төгс хүсэлд нийцүүлдэг, Есүсийн Нэрээр. Амен.

ЦААШИД СУДЛАХ ЭШЛЭЛ:

Ром 10:17; 2 Коринт 4:13; Еврей 11:6

1 жил Библи унших төлөвлөгөө

Ефес 5:22-6:1-9 & Исаиа 29-30

2 жил Библи унших төлөвлөгөө

2 Тимот 4:11-22 & Иеремиа 48



Leave comments on today's devotional at
www.rhapsodyofrealities.org

Тайлбар

Тайлбар

Тайлбар

АВРАЛЫН ЗАЛБИРАЛ

Таныг энэ номоор ерөөгдсөн гэдэгт бид итгэж байна. Бид таныг дараах залбирлыг хийж, Есүс Христийг амьдралынхаа Аврагч, Эзэн болгохыг урьж байна.

“Хамгаас эрхэм Бурхан Эзэн минь ээ, би Есүс Христийн Нэрээр Тань руу ирж байна. Эзэний нэрийг дуудсан бүхэн аврагдах болно гэж Таны Үг (Үйлс 2:21). хэлсэн. Би амьд Бурханы Хүү Есүс Христэд бүх зүрх сэтгэлээрээ итгэж байна. Тэр миний төлөө үхэж, Бурхан Түүнийг үхэгсдээс дахин амилуулсан гэдэгт би итгэж байна. Та өнөөдөр ч амьд гэдэгт би итгэж байна. Энэ өдрөөс эхлэн Есүс Христ миний амьдралын Аврагч, Эзэн болсныг би өөрийнхөө амаар тунхаглаж байна! Би Түүгээр дамжуулан, Түүний Нэрээр мөнх амийг оллоо. Би дахин төрлөө. Миний авралын төлөө Эзэн Танд талархаж байна! Ром 10:9-д хэлсэнчлэн, би одоо Бурханы хүүхэд боллоо. Одоо Христ миний дотор орших бөгөөд Тэр бол дэлхийд байгч нэгнээс агуу (1 Иохан 4:4). Халлилуйя!”

Баяр хүргэе! Та одоо Бурханы хүүхэд. Христэд итгэгчийн хувьд хэрхэн өсөж болох талаар илүү тодорхой мэдээлэл авахыг хүсвэл, дор дурдсан хаягуудын аль нэгээр бидэнтэй холбогдож болно:

UNITED KINGDOM:

+44 (0)1708 556 604

+44 (0)08001310604

SOUTH AFRICA:

+27 11 326 0971

NIGERIA:

+234 1 8888186

USA:

+1(800) 620-8522

CANADA:

+1 416-667-9191

ЗОХИОГЧИЙН ТУХАЙ

Дэлхийн хэмжээний олон талт, тогтвортой дүйлчлэл явуулдаг итгэгчдийн “LoveWorld Inc.” байгууллагын ерөнхийлөгч Крис Ояхиломе Пастор бол Бурханы Үгийн илчлэлт бүхий дэлхийн №1 өдөр тутмын “Бодит байдлын уран аялгуу” номноос гадна бусад 30 гаруй номын зохиогч юм. Тэр бол Бурханы Үгийн онцгой үйлчлэгч бөгөөд түүний илгээлт нь бурханлаг амьдралын бодит үнэнийг олон хүмүүсийн сэтгэлд хүргэсэн билээ.

Бурханы бурханлаг оршихуйг хүмүүсийн гэрт нь шууд хүргэдэг түүний “Гайхамшгийн орчин” телевизийн шууд нэвтрүүлгээр сая сая хүмүүсийн амьдралд үр дүн гарсан юм. Түүний телевизийн үйл ажиллагааны цар хүрээ нь дэлхийн үзэгчдэд зориулсан Христэд итгэгчдийн нэвтрүүлгүүдийг LoveWorld хиймэл дагуулын телевизийн сүлжээгээр чанартай дамжуулдаг.

Тэрээр дэлхийд алдаршсан Эдгэрлийн Сургууль дээр Есүс Христийн эдгээх үйлсийг харуулж, Сүнсний бэлгүүдийн үйлчлэлээр дамжуулан маш олон хүмүүсийн эдгэрэлд тусалжээ.

Крис Пастор дэлхийн хүмүүсийг Бурханы Хаанчлалд хүргэх чин хүсэл эрмэлзэлтэй бөгөөд 30 гаруй жилийн туршид олон янзын арга хэмжээ, үйлчлэлийн аян болон бусад хэд хэдэн үйлчлэлийг зохион байгуулж, олон сая хүмүүст Бурханы Үгэн дотор зорилготой, ялалттай амьдрахад нь тусалсан юм.

Тайлбар

Тайлбар

Тайлбар

Тайлбар

Тайлбар

Тайлбар